

INATSISARTUT

ukiumoortumik
nalunaarutaat 2012



Saqqaani asseq:
Inatsisartut 2011-mi aggustimi assilisaq

Inatsisartut Allattoqarfiannit saqqummersinneqartoq
Juni 2013

Assit tamarmik: Inatsisartut Allattoqarfiat
qupp. 20-mi asseq Nicolai Appelimit assilineqartoq pinnagu

Inatsisartut Allattoqarfiat · Postboks 1060 · 3900 Nuuk
inatsisartut@inatsisartut.gl · www.inatsisartut.gl

Imai

INATSISARTUT

1	Inatsisartut Siulittaasuata aallaqqaasiutaa	5
2	Inatsisartut Siulittaasorisimasaata nalunaarutaa	7
3	Inatsisartut Siulittaasuat Siulittaasoqarfillu	9
4	Siulittaasup ingerlatai	11
5	Siulittaasoqarfiup ingerlatai	17
6	Immikkut pisut	21
7	Inatsisartut katitigaanerat	29
8	Nersornaat	33
9	Inatsisartut Ombudsmandiat	37

KATERSUUNNERIT

10	Ataatsimiinnernut takussutissiaq	39
11	Akunneq Naalakkersuisunut apeqquteqarfik.....	41
12	§ 37 naapertorlugu apeqqutit	43

ATAATSIMIITITALIAT

13	Ataatsimiititaliat sulinerat	45
14	Ataatsimiititaliani ingerlatat	47
15	Nunat Avannarliit Killiit aamma Nunat Avannarliit Siunnersuisoqatigiiffianni ingerlatat.	63

INATSISARTUT ALLATTOQARFIAT

16	Allattoqarfik	71
17	Aningaasaqarneq.....	75



Inatsisartut Siulittaasuat Lars-Emil Johansen.

1 Inatsisartut Siulittaasuata aallaqqaasiutaa

2012-imut Inatsisartut ukiumoortumiik nalunaarutaat suliarineqaleruttortoq 2013-imi januaarimi Inatsisartunut qinersisoqarnissaa nalunaarutigineqarpoq. Inatsisartut siulittaasorisimasaat 2013-imi Inatsisartunut qinersinermi qinigassanngorteqqinngilaq, ullorlu 12. marts 2013 Inatsisartunut qinersisoqarluni, Inatsisartut Naalakkersuisullu katitigaanerisa allannguuteqarnerannik kinguneqartumik.

Inatsisartunut sivilunerpaamik ilaasortaasimasutut ulloq 5. april 2013 inissititerfiusumik ataatsimiinneq ammarpara, tassanilu Inatsisartut Siulittaasussaattut nutaatut qinerneqarlunga. Ukiuni aggersuni Inatsisartut Siulittaasuattut atuunnissara qilanaaraara.

Piffissami qaangiuttumi Inatsisartuni allaffissornikkut sulineq eqqarsaatigalugu suliniuterpasuit aallartinneqarsimapput, soorlu aamma nutaamik naalakkersuinikkut allatut katitigisaasumik siulittaasoqarfeqalersimasoq suliniutinik nutaanik aallartitsisussanik.

Inatsisartuni sulinissaq siulittaasoqarfimmilu nutaami suleqatigiinnissaq qilanaaralugit Inatsisartut sinnerlugit taa-maalillunga 2012-imut ukiumoortumik nalunaarut taamatut isikkoqartillugu saqqummiuppara.



Lars-Emil Johansen
Inatsisartut Siulittaasuata
Aprili 2013



2 Inatsisartut Siulittaasorisimasaata 2012-imut nalunaarutaa

2012-imut Inatsisartut ukiumoortumik nalunaarutaat qinigaaffimmi qaangiuttumi nalunaarutit kingullersaraat. Inatsisarortoqartoqarneq tamaat assigalugu Inatsisartut ukiumoortumik nalunaarutigisartagaat ukiunut kingullernut sisamanut nalunaarutaasartut eqqarsaatigalugit malunnartumik ineriartorfiusimapput, annertussusii paasisutissallu innuttaasut atorsinnaasaat eqqarsaatigalugit. Ukiumoortumik nalunaarutini kingullerni sisamani ineriartornerup taku-neqarsinnaasup Inatsisartuni avammut sammisumik suliassat eqqarsaatigalugit qinigaaffimmi qaangiuttumi angusari-neqarsimasunik ersersitsiniartussaapput.

2012 qinigaaffiup naanerimmani aamma tassaasimavoq ukioq Inatsisartuni sulinitinni piffissap ingerlanerani suliniutigisimasatta nutaat inernerinik ilorrisimaaruteqarfipput. Siulittaasoqarfiup sulinera pissusissaminut inississimavoq. Tamanna nammineq takkunnikuunngilaq. Kikkut tamarmik peqataasimapput tamatuma iluatsinnissaanut. Kisiannili aamma suli pitsanngorsaannissanut inissaqartuassaaq soorlu aamma Inatsisartut nutaat unammilligassaqartuassasut.

2012 aamma ukiuvoq Kalaallit Nunaata immikkuullarissumik malunnartumillu avatitsinnit soqutigineqarfia avataaniit pisortatigoortumik tikeraartoqarfiulluarluni pulaarneqarfiulluartoq. Minnerunngitsumik nunatsinni pinngortitami pisuussutit iluaqutiginiarneqarnerisa ineriartortinneqarnissaat eqqarsaatigalugu oqallinneq pingaarutilik tunngavissisimavoq kikkorpassuit nunarput pillugu allaaserisaqarusulernerannut nalunaaruteqarusulernerannulluunniit.

2012-imi inuttut pisinnaatitaaffiit tamatumunngalu tunngasut danskit naalagaaffianni sulissutigineqarnerisa qanoq aaqqissuunneqarsimanerat pillugit Inatsisartut inatsisartunut ilaasortanut isumasioqatigiissitsipput. Isumasioqatigiitsinermi siunertarineqarsimavoq Inatsisartunut ilaasortat suliassaqarfimmut tamannalu pillugu nalinginnaasumik naalakkersuinikkut oqallinnermut tunngasunik pisariaqartumik tunngaviusumik ilisimasaqalernissaasa qularnaarneqarnissaa.

Ataatsimiittaliat taamatuttaaq ukioq 2012 atorsimavaat 2011-mi nutarterinerup kingorna suleriaasissarsionerminnut, ataatsimiittaliat ikilinerisa ilaasali amerlanerusunik ilaasortaqalernerisa malitsigisaannik. Ataatsimiittaliaqarnikut aaqqissuussaanerup taamatut allangortinneqarnera qinersereernerup kingorna Inatsisartut nutaat nalilersortuus-sassavaat aalajangerlugulu taamatut allangortitsinermi oqimaaqatigiinneq pisariaqartoq nassaarineqarsimanersoq.

Naqitatigut Inatsisartut sulinerannut killiliussanik allangortitsineq immikkoorpoq, apeqqullu alla tassaalluni Inatsisartuni sulineq aamma peqataasimanersoq inatsisartunut ilaasortat ataatsimiittarfimmi innuttaasullu akornanni oqalliseriaasiata pitsaanerumut ineriartortinneqarneranut? Siulittaasoqarfiup ukioq taanna isumasioqatigiinnertik atorpaat ilaasortat kaammattorniartarlugit pitsaanerumik oqalliseriaaseqalernissamut peqataaqqullugit. Inatsisartut ataatsimiittarfiannit ataatsimiinnerit toqqaannartumik aallakaatinneqartarneri nittartakkatigut inuit akornanni attaveqatigiittarfiit sukkasumik siammariartornerat peqatigalugit aamma innuttaasunik pitsaanerumik periarfissisimapput tamanna pillugu isummernissaannut. Ineriartorneq tamanna ukiuni aggersuni ingerlaannartussaavoq, tamatumanilu aamma oqimaaqatigiinneq naapertuuttoq nassaarineqartariaqarluni.

Naalakkersuineramik suliaqarnermi siunissatsinni unammilligassarpassuit peqatigiilluni qaangerniarnissagaanni oqallinnernut paasisimasaqarluarluni tunniusimallunilu peqataasarnissaq pisariaqartuassaaq.



Josef Motzfeldt
Inatsisartut Siulittaasorisimasaat
Marsi 2013



*Inatsisartut Siulittaasoqarfiat 2012:
Finn Karlsen, Justus Hansen, Josef Motzfeldt, Olga P. Berthelsen aamma Per Berthelsen.*

3 Inatsisartut siulittaasuat siulittaasoqarfillu

Inatsisartut ukiuat aallartikkaangat Inatsisartut siulittaasuannik siulittaasullu tulliinik sisamanik Inatsisartut Siulittaasoqarfiannut ilaasortassanik Inatsisartut qinersisarput.

Inatsisartut avataanni iluminnilu Inatsisartut Siulittaasoqarfiat sinniisuuvoq, Inatsisartullu inatsimiinneri suleriaatsillu ataatsimut isigalugu pilersaarusiortarlugit aaqqissuuttarlugillu.

2012-mi Siulittaasoqarfimmi ilaasortat:

Inatsisartut Siulittaasuat Josef Motzfeldt (Inuit Ataqatigiit)

Siulittaasup tullia siulleq Per Berthelsen (Siumut)

Siulittaasup tullia Olga P. Berthelsen (Inuit Ataqatigiit)

Siulittaasup tullia Finn Karlsen (Siumut)

Siulittaasup tullia Justus Hansen (Demokraatit)



4 Siulittaasup ingerlatai

Ukiup affakkaartumik nutaarsiassat

Inatsisartut siulittaasuat ukiup affakkaartumik nutaarsiassanik saqqummersitsisarpoq, taakkulu ukiumoortumik nalunaarummut tapiliullugit atuarluarneqarsinnaapput.

Siulittaasumit nutaarsiassat uani atuarsinnaavatit [▶ inatsisartut.gl/siulittaasooq](http://inatsisartut.gl/siulittaasooq)

Timersoqatigiit Kattuffiannut illersuisutut Whitehorsemi Arctic Winter Gamesimut peqataaneq

Inatsisartut Siulittaasuat Kalaallit Nunaanni Timersoqatigiit Kattuffiannut illersuisutut Canadami Whitehorsemi Issittormiut Ukiuunerani Unammiaaqaatigiinnerannut Arctic Winter Gamesimut marsip ulluisa sisamaannit qulingannut 2012 ingerlanneqartumut qaaqquneqarsimavoq.

Timersuutit assigiinngitsut, soorlu Inuit pinnguaataannik unammiaarnernut, nunatta Alaskallu isikkamik arsarlutik unamminerannut, taamatullu aamma nunatta Albertallu volleyballimik unamminerannut Inatsisartut Siulittaasuat malinnaavoq. Inatsisartut Siulittaasuat taamatuttaaq unammiaarnerit ingerlanneranni pisunut pisortatigoornerusut peqataavoq. Aaqqissuussinerit taakku ilagaat unammiaarnerit "innerata" nunap immikkoortuani tamatumani nunap inoqqaavisa kulturikkut illorsuartaavata nutaap silataani ikinneqarnera.



Arctic Winter Games innerata pisortatigoortumik ikinneqarneranit.

Siulittaasup inuusuttortatsinnut neriuttigaa kaammattuutigalugulu 2016-imi Issittormiut Ukiuunerani Unammiaaqaatigiinnissaata nunatta aaqqissuussissannornerani ataatsimut kivitseqataaqullugit, periarfissarlu tamanna atorni-aqqullugu nunat sanilerisatta kulturiinik nunallu tamalaat akornanni aaqqissuussinermik annertuumik ingerlataqarneq eqqarsaatigalugit piginnaasaqarnerulernissamut paasisimasaqarnerulernissamullu. Aaqqissuussineq inuusuttunut sammititaq matumani pineqarpoq, timersornikkullu aaqqissuussinernut pikkorinnertut sunngiffimmiluunniit ingerlataqartarneq tunngavigalugit peqataaneq apeqqutaatinnagit, taava aaqqissuussinerit matumanisut ittut nalissaqanngitsumik periarfissiippat kulturinik allanik timersornerullu ataatsimoorfusinnaanerani misigisaqartarnissanut.

Pisortatigoortumik ammaanersiorneq Canada Games Centre mi ingerlanneqarpoq. Canadama Games Centre inersuuvoq timersuutiniq assigiinngitsorpasuarunik ataatsikkut ingerlatsivigineqarsinnaasoq, pitsaasumillu takutitsiviusoq illorsuarmi ataatsimi qanoq timersuutit assigiinngorpassugaluartut ingerlanneqarsinnaanerannut periarfissat ataatsimoorinneqarsinnaanerannik. Siulittaasooq taamatuttaaq 2016-imi Issittormiut Ukiuunerani Unammiaaqaatigiinnissaannut pisortatigoortumik atsioqatigiinnermut unammiaarnerillu pisortatigoortumik kusanaqisumik ammarnersiorneqarnerata kinguninngua pisumut najuuppoq. Atsioqatigiinnikkut taamaalilluni nunarput 2016-imi unammiaarnissamik aaqqissuussissannorpoq.

Nunani Avannarlerni Killerni inatsisartut siulittaasuisa Islandimi ataatsimiinnerat



Inatsisartut siulittaasui: Lagtingip siulittaasua Jógvan á Lakjuni, Altingip siulittaasua Ásta R. Jóhannesdóttir nunatsinnilu Inatsisartut siulittaasuat Josef Motzfeldt.

Savalimmiunit, Islandimit Kalaallit Nunaanniillu Inatsisartut siulittaasui ukiumut ataasiarlutik naapittarput, Ukioq manna ataatsimiinneq Islandimi ulluni 26. aamma 27. juni ingerlanneqarpoq. Islandimit Altingip siulittaasua Ásta R. Jóhannesdóttir peqataavoq. Savalimmiunit Lagtingip siulittaasua Jógvan á Lakjuni peqataalluni. Siulittaasut ataatsimiinnerminni inatsisartuni ataasiakkaani sulineq pillugu ilisimateqatigiittarput misilittakkanillu ilaatigut inatsisartuni pingasuni suliniutit nutaat pillugit paarlaasseqatigiittarput. Ataatsimiinnerit nunani ataasiakkaani paarlakaajaallugit ingerlanneqartarput, tullianillu ataatsimiinnissaq Kalaallit Nunaanni 2013-imi ingerlanneqassalluni.

Ilulissani OLT-t ataatsimiinnerat

Inatsisartut Siulittaasuat Josef Motzfeldt nunat EU-mut ilaasortanit nunasiaataasimasut suleqatigiiffiata Ilulissani ulluni 25. - 27. september ataatsimiinnerani oqaaseqartussat qaaqusaasimavoq. Suleqatigiiffimmi 2002-mi pilerinneqartumi, taamalu ukioq manna aamma ukiunik qulingqortorsiorsinnaasumi, nunarput aappassaa siulittaasuuti-taqarpoq. Piffissami nunatta siulittaasuuti-taqarfiani suillermi Josef Motzfeldt nunatsinni nunanut allanut tunngasunut naalakkersuisutut suleqatigiiffimmut 2006-imi siulittaasuvoq, taamanikkullu ilaatigut Nuummi suleqatigiiffiup ataatsimiinneranik aaqqissuisuulluni. Siulittaasup oqaaseqarenmini ilaatigut oqaatigaa iluarisimaarlugu paasillugu "avatangiisit silap pissusiisalu allanngoriartorneri" qulequtaralugu suliniarneq peqatigiilluta 2006-imi aallartitarput - illerngit nutaat atorlugit ingerlaqqittoq "avatangiisinik innarliinngitsumik ineriartornertut". Qulequttat taakku tamarmik siusinerusukkut nunarsuatsinni naalakkersuinikkut oqallinnermi assut sammeneqartarsimapput sulilu aamma uagutsinnut tamanut ukiuni aggersuni aamma naalakkersuinikkut unammilligassatta qularnanngitsumik ilagiuassallugit. Piffissap ingerlanerani taamatuttaaq silap pissusii pillugit nunarsuatsinni naalakkersuinikkut siuttut ataatsimeersuartarsimapput, kissaatiginarsimagaluarluni ataatsimeersuarnerni angusat siuttullu aalajangiinerisa tigussaanagerusimanissaat silap pissusiisa allanngoriartornerisa sunniutaasa ilaatigut ilungersunarnerat eqqarsaatigalugu.

Issittumi pisuussutit iluaqutiginiarneqarnissaat ineriartortinniarlugu aningaasalersueriaatsit assigiinngitsorpasuit aamma pisariaqartussaapput, ingerlatassat inuilaamiinnerat kisiat pissutiginaq, kisiannili aamma tamaani iluaqutegarniarnissaq eqqarsaatigalugu teknik nutaaliaanerpaaq pisariaqartussaammat, taamatut ingerlataqarneq sulisunut, avatangiisinut Issittumi innuttaasunut sapinngisamik isumannaanerpaamik, minnerunngitsumillu avatangiisinik innarliinnginnerpaamik, ingerlanneqarsinnaaqqullugu.

Nunat OLT-mut ilaasortaasut sulinissaminnut tunngavissiarisimasaat qularutiginnilara OLT-t EU-mi suliffeqarfinnik suleqateqarneranik nukittorsaataajumaartoq. Nunat OLT-mut ilaasortaasut akornanni avatangiisinik innarliinngitsumik ineriartortitsinissamut periarfissat eqqarsaatigalugit oqaloqateqaqqittarnissanut tunngavissiaq alloriaqqinnissanut

sukumiisumik naalakkersuinikkut suleqatigiinnermut tunngavissiivoq, minnerunngitsumik nunagisatsinni innuttaasut eqqarsaatigalugit avatangiinik innarliinngitsumik ineriartortitsinissaq tamatta kissaatigisarput peqataasussarlu silap pissusiisa allanngoriartornerinut naleqqussarnissamut innuttaasut periarfissagissaarnerulernissaannut.

Inuiaqatigiinnut uagutsinnut innuttaasunullu ataasiakkaanut ilinniartitaaneq tunngavissat pingaarnerpaat ilagigaat. Ilinniartitaanikkut innuttaasut siunissami unammilligissat nutaat naapinnissaannut periarfissagissaarnerulertarput, silap pissusiisa allanngoriartorneri nunarsuarluunniit tamaat aningaasaqarniarnikkut ajornartoorneq pineqarnersut apeqqutaatinnagu. Innuttaasullu tamakkununnga piareersimanerugaangata tamanna soorunami aamma inuiaqatigiinnut tamanut iluaqutaasarpoq.

Ambassadørinit tikeraarneqarnerit

Aamma 2012-imi ambassadørerpassuit nunatsinnit tikeraarput. Siullermik takkuttoqarpoq maajimi europami ambassadørreqatigiit COREPER-imi taaneqartartut nunatsinnut tikereermata. Tikeraartut katillugit 98-iupput, taakkunannga 27-it EU-mut ambassadæriullutik Bruxellesimi najugaqartut. 2012-imi upernaakkut danskit EU-mut siulittaasuutitaqarnerat tikeraarnermut aallaaviusoq.

Tamatuma saniatigut ukiap ingerlanerani asiap kangianit nunanit tallimanit ambassadørinit tikeraarput. Taakku tullerit aaginnarlutik tikeraartarput. Siullermik takkupperoq Kinap ambassadæria Mr. Li Ruiyu, tullerivaa Mr. Byung H. Kim Koreamit kujallermiit, Mr. James Choi Australiamiit, Mr. Kemal Siddique Singaporemiit kiisalu kingulliulluni Mr. Ashok Kumar Attri Indiamit.

Ambassadørinit tamarmik pinngortitami pisuussutiniq iluaquteqarniarnermi peqataasinnaanermut periarfissat kiisalu nunat Issittumi Siunnersuisoqatigiinnik qaninnerusumik suleqateqarusunnerat immikkut sammerusussimavaat.



Ulloq 6. november Australiap ambassadøriata Mr. James Choi-ip Inatsisartut pulaarpai.

Naalagaaffiit Peqatigiit nunat inoqqaavi pillugit ataatsimeersuartitsinissaa sioqqullugu ICC-p Nuummi piareersaataasumik ataatsimiisitsinera

Naalagaaffiit Peqatigiit nunat inoqqaavi pillugit ataatsimeersuartitsinissaanut issittormiut piareersaataasumik ataatsimiinnissaannut Inatsisartut Siulittaasuat peqataaqqullugu qaaqquneqarsimavoq. Ataatsimeersuarneq Nuummi Katuami ingerlanneqarpoq ICC-miillu aaqqissuunneqarluni issuttumilu nunat inoqqaavinit naalackersuineramik sulialin-nit peqataaffigineqarluni.

Saamit inatsisartuisa Sametingip siulittaasuanik Egil Ollimik naapeqateqarneq

Saamit inatsisartuisa siulittaasuat Egil Olli, Naalagaaffiit Peqatigiit ataatsimeersuartitsinissaannut piareersaataasu-mik ataatsimeersuarnermut aamma peqataasoq kissaateqarsimavoq Inatsisartut Siulittaasuannik naapeqateqarnis-saminik ataatsimut naalackersuinikkut soqutigisat oqaloqatigiissutiginiarlugit.

Josef Motzfeldt Egil Ollilu naapeqatigiinnerminni Saamit inatsisartuinut maanilu Inatsisartunut qinersinermut peqa-taasinnaaneq qinigaasinnaassuseqarnermullu najoqqutat eqqarsaatigalugit pissutsit atuuttut pillugit ilisimateqatigiip-put.

Ataatsimiinnermi ilisimatitsissutigineqarpoq Saamit inatsisartuinut qinigassanngortissinnaassagaanni piumasaqaa-taasoq siulit, tassa angajoqqaat, aanaap aataalluunniip imaluunniit aanaqquutip aataqquitiilluunniip saamiusimanissaat, tassa saamit inuussutissarsiutaannik inuussutissarsiuteqarsimanissaat. Tamatuma saniatigut saamit ataasiakkaat saamiunertik uppersarlugu atsiortutik nalunaaruteqartartussaapput. Saamiussagaanni saamit inuussutissarsiute-qarsimasunik siuaasaqarnissanik inatsit 1989-imi akuersissutigineqarpoq, piumasarineqarluni angajoqqaat ima-luunniit aanaap aataalluunniip saamiusimanissaat. 1994-imi tamanna annertusineqarpoq aanaqquitiit aataqquitiilluun-niit saamiusimappata aamma saamiusutut nalunaarsortittoqarsinnaalerluni.

Saamit inatsisartuini norskit saamilluunniit oqaasii atorineqarsinnaapput, saamilli sumiorpaluutaat pissutigalugit saamit kujasinnerusumiittut oqaasiiniit saamit avannarpasinnerusumiittut oqaasiinut nutserisoqartariaqartarluni. Inatsisartut siulittaasuata ilisimatitsissutigaa nunatsinni kalaallit oqaasii pisortatigoortumik oqaasiusut tamannali killiliinngitsoq oqaatsit allat aamma atorineqarsinnaanerlut.

Saamit inatsisartui norgemi aningaasanut inatsit aqutugalugu aningaasalersorneqarput, namminerisaminnilli inatsisi-liorsinnaatitaanat akileraartitsinissaanatillu. Saamit inatsisartui piginnaatitsut tunngavigalugu namminerisaminnik aqutaqarput, soorlu aamma aalajangiinissani saaminut tunngasuni attuumassutilinnilu annertuumik sunniuneqarsinnaa-titaasut. Saamit akornanni naalackersuinikkut oqallinnermi pinngortitami pisuussutinut oqartussaaneq pingaarnerut sammeneqartarpoq. Josef Motzfeldtip ilisimatitsissutigivaa nunatsinniit inernilunneqarsinnaasoq namminersornerul-luni namminersorluni oqartussaaneq pillugit inatsisiliornerni Danmarkimik suleqateqarneq maligassiulluarnerusima-soq. Soorlu aamma nunarput EF-imit ilaasortaajunnaarnissamik kissaateqarmat Danmark pitsaasumik suleqatigine-qarsimasooq. Danmarkip EF-imut 1972-imi ilaasortanngornera namminersornerulerniarnermik suliniarnermik siumut ajatsisut pingaarnerit ilagisimavaat, ullumikkullu danskit Naalagaaffeqatigiiffianni tunngaviumik inatsimmi ataatsi-mi killiliussat iluanni pingasunik inatsisartoqarluta inatsisiliorsinnaatitaasunik.

Saamit inatsisartuisa siulittaasuata Egil Ollip naapeqatigiinneq naammassillugu Inatsisartut Siulittaasoqarfiat 2013-imi februaarimi tikeraarsarpaa. Egil Ollip nammineq saamit inatsisartuini ukiuni 24-ni ilaasortaareerluni 2013-imi tullianik qinersisoqarnissaani tunuarnissani naatsorsuutigaa.



Saamit inatsisartuinit Sametingimit aallartitat siulittaasoq Egil Olli siuttoralugu ulloq 24. oktober Inatsisartunut pulaarput.



5 Siulittaasoqarfiup ingerlatai

Siulittaasoqarfimmi ataatsimiinnerit

Siulittaasoqarfik	Ataatsimiinnerit	Immikkut ingerlatat
2010	42	2
2011	38	3
2012	41	3

Inatsisartut ataatsimiinnissaat sioqqullugu Siulittaasoqarfik suliaqarnerusarpoq, tassani Inatsisartut ataatsimiinnissaannik piareersaalluni ingerlanneqarnissaalu aqqissuullugu ataatsimiittoqartarluni. Ataatsimiinnerup nalaani ullut ataatsimiiffissat ataasiakkaat sioqqullugit Siulittaasoqarfik aamma ataatsimiittarpoq. Inatsisartut ataatsimiinnerisa avataanni Siulittaasoqarfik pisariaqartitsineq malillugu immikkullu pisoqarfiusunut peqataanissat pillugit ataatsimiittarpoq.

Siulittaasoqarfiup Ilimmarfimmi isumasioqatigiinnera

Inatsisartut sulineranni suleriaatsit pillugit upernaakkut ataatsimiinnissaq sioqqullugu Siulittaasoqarfiup Nuummi Ilimmarfimmi isumasioqatigiippoq. Isumasioqatigiinnermi Siulittaasoqarfiup aalajangerpaa Inatsisartut Suleriaasiat allanngortinniarneqassasoq Inatsisartut ukiakkut ataatsimiinnerat septembarimi tallimanngornerit aappaanni maanamut pingajuanniunngitsoq aallartittartussanngorlugu, ilaatigut ataatsimiinnerup kingusissorujussuakkut aallartittarsinnaanera pinngitsoortinniarlugu. Suleriaatsimik allanngortitsineq tamanna upernaakkut ataatsimiinnermi akuersissutigineqarpoq, imaalilluguli allannguat aatsaat 2013-imiit atuutilissalluni. Tamatuma saniatigut Inatsisartuni oqalliseriaaseq oqaatsillu atorneqartartut eqqarsaatigalugit Inatsisartuni namminerni tusagassiorfinnilu oqallittarnerpassuit Siulittaasoqarfiup oqallisigai.

Oqalliseriaatsimik oqaatsinillu atorneqartartunik siulittaasoqarfiup misissuisimanera tunngavigalugu Siulittaasoqarfiup ilaasortanut siumut isigisumik kaammattuutigaa Inatsisartut avataaniit isigineqarnerat eqqarsaatigalugu oqalliseriaatsimik ataqqinarpalunnerusumik ineriartortitsinissamut peqataaqqullugit.

Inuttut pisinnaatitaaffiit pillugit isumasioqatigiinneq

Siulittaasoqarfiup 2009-mi Inatsisartunut nutaamik qinersisoqareernerata kinguinngua akuersissutigivaat Inatsisartunut ilaasortat inatsisartuni sulinerimik paasisimasaqarnerulernissaat siunertarlugu pikkorissartarnernut peqataanissaminnut periarfissinneqassasut. 2010-imi oqallorissarnermik pikkorissartitsisoqarpoq, 2011-milu upernaakkut ataatsimiinnermi ataatsimiinnermik aqutsinermik pikkorissartitsisoqarluni. 2012-imi inuttut pisinnaatitaaffiit pillugit isumasioqatigiissitsisoqarpoq. Isumasioqatigiinneq marlunnik immikkoortortaqqarpoq. Siullermi inuttut pisinnaatitaaffinnut tunngasut danskit naalagaaffianni qanoq aqqissuunneqarsimanersut inatsisartunut ilaasortanut sammitinneqarpoq, aappaannilu taakku aamma sammineqarput, maannakkulli tamanit peqataaffigineqarsinnaasumik.

Danmarkimi inuttut pisinnaatitaaffiit siuarsarniarlugit suliffeqarfiup Institut for Menneskerettigheder sulinermini ullumikkut tunngavigisai nunatsinilu inuttut pisinnaatitaaffiit eqqarsaatigalugit suliffeqarfik sutigut isumaginittarnerisooq isumasioqatigiinnermi aallaavigineqarput. Isumasioqatigiinnermi suliffeqarfik sinnerlugu peqataapput suliffeqarfiup pisortaa Jonas Christoffersen, siunnersortaaneeq Christoffer Badse, suliniutinut pisortaaq Theresia Kirkemann Boesen nakkutilliinermullu pisortaaq Louise Holck.

Suliffeqarfiup pisortaa qaaqquneqarsimanermut qujassuteqarpoq, oqaatigalugulu ataqqinaatissaallunilu nuannaarutissaasoq inuttut pisinnaatitaaffiit pillugit isumasioqatigiinnissamut inatsisartunit qaaqquneqarsimaneq. Nunani allani akerlianik pissutsit imaapput inatsisartunut ilaasortanik aatsaat naapitsisisoqartarluni suliffeqarfik tamatumingga



Katuami inuttut pisinnaatitaaffiit pillugit isumasioqatigiinneq.

kissaateqaraangat. Inatsisartunit namminermit siornatigut qaaqquneqarsimangillat, taamaattumillu aamma qaaqquneqarsimanertik assut nuannaarutigeqalugu.

Isumasioqatigiinnermi Danmarkimi inuttut pisinnaatitaaffiit siuarsarneqarnissaannut suliffeqarfiup Institut for Menneskerettigheder suliassaarfii aammalu sooq suliffeqarfimmik taamaattumik pilersitsisoqarsimansoq sukumiumik nassuiaateqarfigineqarput, tassungalu ilanngullugu oqaatigineqarluni pilersinneqarsimallutik nunat tamalaat akornanni inuttut pisinnaatitaaffittut akuerineqarsimasut, danskit naalagaaffiannut inuiaqatigiillu danskit aqqis-suussaanerannut naleqqusakkamik, nunagisami sorlaninnissaat qularnaarniarlugu, suliassamillu ilagigaat inuttut pisinnaatitaaffiit eqqarsaatigalugit Danmarkip nunallu tamalaat akornanni taamatullu aamma naalagaaffiup innuttaasullu akornanni atassusiinissaq.

Suliffeqarfiup pisortaata saqqummiinnermini ilanngullugu oqaatigaa inatsisissatut siunnersuut ulloq taannarpiaq Folketingimi siullermeerneqartussa qaaqqisussuusaanera allanngortinneqartussaammatt, taamaallunilu inuttut pisinnaatitaaffiit siuarsarniarlugit suliffeqarfik Institut for Menneskerettigheder nunat tamalaat akornanni pissutsinik ilisimatusarfimmit avissaartinneqassalluni ombudsmandeqarfik naalagaaffiullu kukkunerisuisui assigalugit suliffeqarfittut immikkoortut avissaartinneqassalluni.

Inatsisissatut siunnersuutip maanna Folketingimi oqallisigineqartup nunatsinnut sunniutissai eqqarsaatigalugit Danmarkimi akuersissutigineqareernermi kingorna kunngip peqqussutaatigut nunatsinnut atuutinneqalersinnaassappat Inatsisartuni taamaaqataa nik oqaluuserineqaaqartussaassaaq.

Tamannali aamma imatut isumaqanngilaq tamanna kisiat aqqutigalugu nunatsinni inuttut pisinnaatitaaffiit siuarsarniarlugit suliffeqarfimmik, nunatsinnimi suliffeqarfimmik taamaattumik suli peqanngimmat, pilersitsinissaq qularnarneqassasoq. Suliassaq tamanna aallartinneqartussaavoq suliffeqarfillu nunatsinni sorlanitsinneqarluni, nunatsinni inuttut pisinnaatitaaffiit nakkutigineqarnerannik namminerisatsinnik suliffeqarfitsinnut innersuussisarsinnaalerniasagatta. Tamanna pitinnagu Danmarkimi taamatut suliffeqarfiup nunatsinni pissutsinik nakkutilliineranut apeqqutaasassaaq suliffeqarfiup Danmarkimi nakkutilliisussaataaerneranut sanilliullugu suliffeqarfiup siulersuisuisa pingaarnersuinnermini isumaqarnerisut nunarput immikkut suliniuteqarfiusaqariaqarnerisooq.

Taamaattumik nunatsinni inuiaqatigiit eqqarsaatigalugit angisuumik suli suliassaqarpugut ullormiit ullormut ukiulluunniit ataatsip ingerlanerani naammassineqarsinnaanngitsumik. Aallartittariaqarpugulli timalimmik suliniuteqarnitsigut namminerisatsinnik suliffeqarfimmik taamaattumik pilersitsinitsigut imaluunniit tamanna pillugu Danmarkimi sulif-

feqarfimmik pisortatigoortumik suleqatigiinnissamik isumaqatigiissuteqarnikkut. Suliassarli annertoq tamanna suli Naalakkersuisuniippoq, taakku naliligassaralugu suliassa qanoq ingerlateqqinneqassansoq.

Maannakuugallartoq inunnik pisinnaatitaaffiit siuarsarniarlugit suliffeqarfiup nunatta namminersulersimanera nunallu inoqqaavisa pisinnaatitaaffiit killigitat eqqarsaatigalugit taakku nalilersorneqarnerannik danskit naalakkersuisuisa nassuiaateqarnissaat amigaatigaa, taakkumi sunniuteqartussaammata inuttut pisinnaatitaaffiit nunatsinni atuutsinneqarnissaannut nakkutigineqarnissaannullu.

Unamilligassat taakku allarpassuillu siunissami utaqippit, isumasioqatigiinnermilu Inatsisartunut ilaasortat innuttaasullu soqutiginnittut periarfissinneqarput suliassap paasisaqarfiginerunissaanut taamatullu aamma sukumiisumik paasisuttissinneqarneq tunngavigalugu nalinginnaasumik oqallinnermut peqataasinnaansaminnut.

Folketingimit aallartitat paasisassarsiorlutik angalasut

Folketingi ukiut tamaasa Kalaallit Nunaannut aallartitaqartarpoq paasisassarsiorlutik angalasunik. Taakku Naalagaaffiup Sinniisoqarfia suleqatigalugu ingerlanneqartarput. Aallartitat sinerissami illoqarfinnut arlalinnut tikittarput, taamatullu aamma Nuummiinnerminni Inatsisartunut pulaartarlutik. 19. juni tikeraarnermi folketingimut ilaasortat arfineq-marluk atorfillillu pingasuk peqataapput. Siulittaasup siulittaasoqarfik sinnerlugu aallartitat naapeqatigai.

Attaveqaatit ataatsemiititaliaq Kujataani

Siulittaasoqarfik 2012-imi Folketingip siulittaasoqarfianik ukiumoortumik attaveqaatit ataatsemiititaliap ataatsimiinnissaanut qaaqqusisuuvoq. Attaveqaatit ataatsemiititaliap tamarmiusup ukiumoortumik ataatsemiinnera sakkutuut alapernaarsuuttaanni Tritonimi kujataani angalaarnerani ingerlanneqarpoq. Attaveqaatit ataatsemiititaliap ataatsemiinnerani nunatsinni pisuussutit uumaatsut taakkulu eqqarsaatigalugit Inatsisartuni naalakkersuinikkut aalajangerniarnerit killiffii annerusumik oqalligineqarput. Tritonimi angalaneq umiarsuarmi ulluinnarni sungiusaatit ilaattut ingerlanneqarpoq, taamaattumillu aamma angalaneq tassanngaannartumik unitsittariaqarsimalluni Triton anaassiniartussanngortinneqariataarmat. Attaveqaatit ataatsemiititaliaq taamatutaaq Kuannersuarnut alakkaapput,



tassungalu atatilugu Kuannersuarnit aatsitassanik paaasoqalissappat tamatuma iluaqutigisinnasaanik ajoqutigisinnaasaanillu saqqummiussivigineqarlutik.

Tullianik ataatsemiinnissaq Danmarkimi Sønderjyllandimi pisussatut pilersaarutigineqarpoq.

Finn Karlsen, Holger K. Nielsen, Marianne Jelved, Justus Hansen, Mogens Lykketoft, Olga P. Berthelsen, Josef Motzfeldt, Bertel Haarder aamma Søren Espersen Kujataani.



6 Immikkut pisut

Dronningip naalagaaffeqatigiinni qullersatut ukiunik 40-nngortorsiorneranik Københavnimi nalliuttorsiuutiginninnermut siulittaasoq peqataavoq

Ulloq 10. januar Dronningip taamatut atuuffeqarnerminik ukiunik 40-nngortorsiornera malunnartinniarlugu folketingimi nalliuttorsiuutiginninnermi siulittaasoq peqataavoq. Dronningip naalagaaffeqatigiinni qullersatut ukiunik 40-nngortorsiornera malunnartinniarlugu pisortatigoortumik nalliuttorsiuutiginninnerit amerlasut taanna ilagaat. Ulloq 14. januar Danmarks Radiop tusarnaartitsisarfissuani nalliuttorsiuutiginninnermut ulloq taanna tv-kkut toqqaannartumik takutin-neqartumi siulittaasoq aamma peqataavoq. Nalliuttorsiuutiginninnerq sapaammi ulloq 15. januar ualikkut Christiansborg Slotskirkemi naalagaqatigiinnermik nanginneqarpoq unnukkullu Christiansborgip illussaarsuani nereqatigiinnermik, aamma tv-kkut toqqaannartumik aallakaatinneqartumik, naggaserneqarpoq.

Frederiksborgip illussaarsuani Inatsisartut qalipagaataannik saqqummersitsineq

Siulittaasuut ulloq 11. januar Frederiksborgip illussaarsuani naalagaaffiup oqaluttuarisaanerani katersugaasivissu-armi Det Nationalhistoriske Museumimi immikkut saqqummersitsinerup "Regenten i 40 år" ("Naalagaaffiup qullersaa ukiuni 40-ni") ammarneqarnerani peqataavoq. Nunatsinni Inatsisartut saqqummersitsinerumt tassunga aamma tunniussaqrput, tassami Namminersornerulernermik inatsimmik tunniussineramik Bodil Kaalundip qalipagaa Inatsisartut



Namminersornerulernermik inatsisip tunniunneqarneranit Bodil Kaalundip qalipagaa Frederiksborgip illussaarsuani Det Nationalhistoriske Museumimut attartortitaq.

ataatsimiittarfiata silataani majuartarfiit eqqaanni ulluinnarni nivingasartoq atukkiunneqarsimammat. Bodil Kaalund saqqummersitsinerup ammarneqarneranut aamma peqataavoq. Qalipagaq maajip ulluisa aallaqqaataata tungaanut atukkiunneqarpoq, qalipagaq siusinnerusukkut atukkiunneqarsimangilaq. Qalipagaq oktober 2012-imi Inatsisartunut iniminut uterpoq.

Unnuk kulturisiorfik

Innuttaasut ilaasortat sulinerannik, allaffeqarfiup suliaanik Inatsisartullu illup iluani avatangiisiinik persuarsiornanngitsumik paasisaqtissinnaajumallugit Nuummi Unnuk Kulturisiorfimmi Inatsisartut Allattoqarfiat 2001 aallarnerfigalugu tamanut ammasarpoq.

Minnerunngitsumik ukiut siuliini aaqquissuussineq iluatsittarmat 21. januar unnuk Kulturisiorfimmi Inatsisartut peqataaqqipput. Inatsisartut sulinerat Inatsisartullu initaanni eqqumiitsuliat paasissutissiissutigalugit takornariartisisoqarpoq. Inini ataatsimiittarfinni politikki Inatsisartullu sulinerat pillugit ilisimasat misilerarneqarsinnaapput. Kaffisortarfimmi kaffimik, tiimik, kalaallit kaagiinik, naatitanik saftimillu sassaallertoqarpoq. Partiit gangianut aamma takusaasoqarsinnaavoq ilaasortanillu naapitsinissamut periarfissaqarluni. Siulittaasup allaffia aamma takusarneqarsinnaavoq.

Ukiunut siuliinut naleqqiullugu ukioq manna takuniaasut ikinnerupput, kisinneqarnerminni 800 missaanniillutik. Inatsisartut Allattoqarfiat nal. 16 -19 ammavoq, ilaqutariit meerartallit Inatsisartut allattoqarfianut takuniaanissaat periarfissikkumallugu.



Namminersorlutik Oqartussat sinnerlugit niaqorutaasamik Dronningimut Amalienborgimi tunniussineq

Ulloq 13. januar Inatsisartut Siulittaasuat Naalakkersuisut Siulittaasuat peqatigalugu Dronningimut sassarput, tassa-nilu Dronningip ukiunik 40-nngortorsiorluni nalliuttorsiorneranut atatillugu nunatsinniit pisortatigoortumik tunissut ilisaritinneqarpoq.

Tunissut tassaavoq niaqorutaasaq kuultimit ujaqqanillu nunatsinneersunit naasunngorlugit pinnerasaersugaq. Niaqorutaasaq arlalinnut immikkoortinneqarsimavoq, taakkulu immikkoortillugit imaluunniit ataatsimoortunngorlugit niaqorutaasatut, nujarmiotut, ujamitut saqqarmiotulluunniit atorneqarsinnaapput. Kuultimit pinnerasaasiortup Nicolai Appelip Dronning suleqatigalugu niaqorutaasaq ilusilersorpaa niaqorutaasallu puussaa eqqumiitsuliortoq Ina Rosing ikiortigalugu suliarineqarpoq.

Nunatsinni naasut soorlu tikiusaat, sungaartorsuit, paarnaqutit, paarnaqullit, inneruulat sungorsiusallu, tamarmik angissusivimminnik angissuseqartinneqartut, naasortaliunneqarsimapput.

Niaqorutaasap tamarmiusup iverutitai ilanngullugit tunniunneqarnera pivoq ulloq 12. juni siulittaasup niaqorutaasamik Dronningimut tunniussinerani, tamatumani Dronning ersarissumik killitsillunilu tulluusimaarpoq tunniussullu ingerlaanaq misilillugu. Niaqorutaasaq pisortatigoortumik atserneqarpoq Naasut – "Flora Groenlandica".



Kunngissakkut marluliaasa kuisinneranni tunissut

Inatsisartunut siulittaasoq folketingimi ataatsimiinnerup ulloq 2. oktober ammarneqarnerani peqataavoq. Folketingimi aammaanersiorneq iluatsillugu inatsisartut siulittaasuata kunngissakkut marluliaataasa kuisinnerani inatsisartut tunissutissaat tunniuppa, taakku atallaajul-lutik puisip amiinik suliarineqarsimasut aappalaartut tungujortullu, nasartaqarlutillu aqqatitallit.

Atallaat Nuummi mersortarfik Tikermi Maren Clasenimit suliarineqarput. Atallaat ilupaarusaat terianniap ameraa aqqatillu puisip amianik sanaajullutik, taakku lkuo Oshimamit pisarineqarlunilu qitulisarneqarsimallutik.

Eqqaaniaanerit

**Ulloq 6. maj Allattoqarfiup pisortaa Hans Nebel Pedersen eqqaaniarlugu
Inatsisartut Siulittaasuat Josef Motzfeldt ima oqaaseqarpoq:**

"Maajip ulluisa arfernganni 2012 sapaatip ullaarnga qimagunnerit tusarakku siullermik imminut aperaanga: 'Ilumut qimappisigut? Inuulluaqqunissarput ersinngitsup piumasaata piffissalersimangilaa.'

Hans - ulluinnarni Nebeliinnarmik taagugarput - Inatsisartut Siulittaasoqarfiannut, Inatsisartunut ilaasortanut allattoqarfimmilu sulisunut allattoqarfimmi pisortaasimavoq ataqqineqartoq, pikkorissoq tunniusimasorlu. Hansip piffissap sivikitsuinnaap ingerlanerani Inatsisartuni atorfini nakimaatsumik suliasaqarfinilu nalornissutiginnuarnagit ingerlatilersimavaa. Aap, allaalluunniimmi Hansip immaqa kissaatigisaraluarpa aalajangiiniartarnerup sukkanerusarnissaa, tassami Inatsisartunut pitinnani Hans namminersortuni sulisimavoq, aalajangiiniartarnerit eqqarsaatigalugit allarujussuarnik periaaseqarriusartumi.

Hans oqaluttuarisaanermik nunarsuatsinnilu ingerlaatsinik annertuumik paasisimasaqarlunilu soqutigisaqarsimavoq, taamaattumillu tamakku pillugit ilisimasaanik paasisassarsiorfigalugu paarlaasseqatigiiffigalugu nuannertuaannarluni.

Ullulli piffissallu ingerlanerisa paasitilerumaarpaatigut ilumut ikinngutigiinnerup suleqatigiinnerup naatsiiviata inuata qimassimagaatigut. Ikinngutitta ilisimasai tusaqqissanngikkivut, illarpalua tassa tamaanga killeqartoq. Ikinngut peeruttoq taarserneqarsinnaanngilaq. Peqatigisimanerani eqqaamasat, ilungersoqatigisimanerani eqqaamasat pisuussutitut erligisavavut.

Inuuneq taama ingerlavoq. Pisuussutit pilluarnermi katersortarpavut. Ukiulli ullullu takkuttarput ikinngutit akornanni ikiliartortutut misigiffiit.

Taamalu uagut suleqataasugut misigigutta eqqarsaativut Hansip qimataani nuliaani Charlottemi qitornaani pingasuni ilaqaannilu tamani ipput.

Avissalernerit tamavimmik qularnanngilaq qamuuna ilorpiatsigut nanertiallannermik misigiffiusarput. Hansi ilisarimasatsitut ikinngutitsitut suleqatitut peqatigisimagatsigu nuannaarluta ataqqinnilluta eqqaamasavaput.

Eqqaaneqarnera ataqqinartuuli."

Ulloq 10. juni Inatsisartut siulittaasuat Josef Motzfeldt Inatsisartut Siulittaasorisimasaat Bendt Frederiksen eqqaaniarlugu imatut oqaaseqarpoq:

"Piniartuq Inatsisartut siulittaasorisimasaat Bendt Frederiksen nunaqarfimmini Nuussuarmi 8. juni toqusoq ilaqutaanit kalerrinneqarpunga.

Bendt Frederiksen nunatta oqaluttuarisaanerani nutaajunerusumi innuttaasut qinigaanni nuimasut sunniuteqangaarsimasut ilagaat.

1975-imi landsrådimut qinigaavoq Namminersornerulernermilu 1979-imit 1995 tikillugu Inatsisartuni ilaasortaalluni. 1991-imit 1995-mut Inatsisartuni siulittaasuvoq.

Inatsisartuni siulittaasuuneq qinikkatut inissisimaffik 1991-imi inuttalerneqartussanngormat nalaatsornerinnaanngilaq Bendt Frederiksenimit inuttalerneqarmat.

Bendt Frederiksen qanilaartuunermigut ilisarnaatilik, unneqqarissaarnermik suliamullu ilisimasaqarusunnermik pingaartitsilluinnartuq qanimut Inatsisartuni ataatsimiititalianilu suleqatigineratigut ilisarisimalersimavara. Inatsisartuni sulinermini pingaartilluinnagaraa inatsisiliortutut suliassat misigissutsit qalliinnarsiortut atorlugit suliassaangitsut. Taamaattumik suliaminut tunngasut iternga tikillugu nammineq paasisassarsiornermigut ilisimasaqarfiginissaat nersortarialimmik piginnaaneqarfigaa.

Inoqamminut mianerinnittoq, allat isumaannik naalaarsinnaasoq, isummaminik ersarissunik illersuisinnaasoq, Bendt Fredriksen aamma taama ilisarisimavara. Taamalu sulisunit qinikkatullu peqatiminit ataqqisaasoq.

Inatsisartut siulittaasuattut atuuffiup Bendt Frederiksenimik inuttaqarsimanini ataqqinaatigaa.

Bendt Frederiksen qaammat tulleq 73-iliisussaagaluarpoq.

Marianne qitornasilu inuiaqatigiit Inatsisartuni qinigaat sinnerlugit atukkassinni iluunngarma misiginneqatigaassi nakussatsinneqarnissassinillu kissaappassi.

Bendt Fredriksen qujanarluta aamma ataqqinnilluta eqqaamassavarput."

Ulloq 19. december Inatsisartut siulittaasuat Josef Motzfeldt

Inatsisartut Allattoqarfianni pisortaasimasoq Alibak Steenholdt eqqaaniarlugu imatut oqaaseqarpoq:

"Inatsisartut Allattoqarfianni pisortaasimasoq Alibak Steenholdt ulloq 18. december 2012 toqukkut qimaguppoq.

Alibak Steenholdt 1972-imi Københavnimi ilinniarnertuut ilinniarfissuanni inatsilerituutut naammassivoq. 1973-imi nunatsinni qinikkanik sullissinera aallartippoq, taamanikkut nunatta Landsrådiini fuldmægtigitut atorfinikkami. Piffissami suliffini tamakkerlugu qinikkanik sullissineq ingerlappaa.

1979-imi Namminersornerulluni Oqartussaanerup eqqunneqarnerani Alibak Steenholdt Inatsisartut allattaattut atorfinitsinneqarpoq, piffissami 1988-imiit 1996-imut aamma tassani allattoqarfimmi pisortaalluni, kiisalu piffissami 1996-imiit 1999-imi soraarninngornissami tungaanut pisortatut atorfeqarluni.

Alibak Steenholdt 1989-imi kunngikkormiut nersornaasiuttagaanik Ridder af Dannebrogordenimik nersornaaserpoq, 1996-imi sølviusumik Nersornaaserneqarluni kiisalu 1999-imi kultiusumik Nersornaaserneqarluni.

Misiginneqataanerput qimagaasunut ingerlatipparput.

Eqqaaneqarnera ataqqinartuuli."

Ulloq 20. december Inatsisartut siulittaasuat Josef Motzfeldt

Inatsisartunut ilaasortaasimasooq Ane Sofie Hammeken eqqaanarlugu imatut oqaaseqarpoq:

"Namminersornerulernitta pileqqaarneraniit naalakkersuinikkut siukkat malunnaatillit ilaata suli ataatsip qimappaatigut.

Inatsisartunut ilaasortaasimasooq Illoqqortoormiunilu borgmesteriusimasooq Ane Sofie Hammeken unnuaq toqukkut qimaguppoq 73-inik ukioqarluni.

Anso Ilulissani inunngorpoq, inersimasutulli inuunermi annersaa Illoqqortoormiuni najugaqarluni.

Ane Sofie Hammeken 1979-imiit kommunalbestyrelsimut ilaasortaavoq piffissamilu 1993-1997 borgmesteriulluni. Nammineerlunga Anso taamanikkut Inatsisartunut ilaasortaataatigalugu ilisarissimalerpara.

Anso Inatsisartunut piffissami 1989-imiit 1995-imut ilaasortaavoq. Taamanikkut Inatsisartunut ilaasortaanerata nalaani ukiut amerlanerit Inatsisartut kultureqarnermut ataatsimiititaliaata ilaasortarai Jonathan Motzfeldt siulittaasutut, Agnethe Nielsen, Emilie Lennert, Ane Sofie Hammeken uangalu sakkutuuaqqatut ilaasortaraluta. Ataatsimiititaliami ataatsimiittarnivut nuannersut eqqaamaqaakka angutit marluulluta arnat nukittuut pingasut illuatungeralugit apeqqutit kulturitsinnut tunngasut, soorlu kalaallisuut inuiaat assuutaattut nalliuttorsiornerniluunniit assuutit taaneqartassanersut, apeqqutit inuiattut pingaartitattinnut imaluunniit kristumiuussutsip ataannartariaqarneranut tunngasut, sammigaangatsigit.

Ukioq manna maajimi Atuagagdliutinut Anso ima oqarpoq: "Illoqqortoormiuni najugaqarpunga. Maani angerlarsimaffeqarpunga, maanimiuvunga maani ullukka naggataarumaarpakka."

Ansop qimatai qitornai arfinillit erngutai 25-t erngutaqqiutaalu 22-t eqqarsaatinniitippakka.

Anso illoqarfimmini asaqisamini eqqissivoq. Qujaniarlunga nukittussialu mianeralugu sikiffigaara."



7 Inatsisartut katitigaanerat

Qinikkat agguataarnerat

2. juni 2009-mi kingullermik Inatsisartunut qinersisoqarpoq. Qinersereernerup inenera tunngavigalugu qinikkat imatut agguarneqarput:

Inuit Ataqtigiit	ilaasortat 14
Siumut	ilaasortat 9
Demokraatit	ilaasortat 4
Atassut	ilaasortat 3
Kattusseqatigiit Partiiat	ilaasortaq 1

Junimi 2009-mi Inatsisartut inissititerlutik ataatsimiinnerisa kingorna ilaasortat arlallit partiini allani ilaasortaalerput, taamaalillunilu ilaasortaataatit agguarneri allanngorlutik. 31. december 2011 ilaasortaataatit agguarneri imaapput:

Inuit Ataqtigiit	ilaasortat 12
Siumut	ilaasortat 12
Demokraatit	ilaasortat 4
Atassut	ilaasortat 2
Kattusseqatigiit Partiiat	ilaasortaq 1

Sulinngiffeqarneq

Inatsisartuni ilaasortat arlallit Naalakkersuisunut ilaasortaannermini sulinngiffeqarnissamik akuerineqarput. Ilaasortat ataasiakkaat piffissami killilimmi sulinngiffeqarnissaannik Siulittaasoqarfiup taassuma saniatigut akuerai. Sinniisussa q sulinngiffeqarnermi Inatsisartuni ilaasortanngortarpoq.

Inuit Ataqtigiit Naalakkersuisunut ilaasortaataatit uku sulinngiffeqarput:

Ane Hansen
Maliina Abelsen
Agathe Fontain
Mimi Karlsen

Inuit Ataqtigiinnut sinniisutut uku ilaasortanngorput:

Anders Olsen
Debora Kleist
Jane Petersen
Isak Hammond

Demokraatit Naalakkersuisunut ilaasortaataatit uku sulinngiffeqarput:

Jens B. Frederiksen
Palle Christiansen

Demokraatinut sinniisutut uku ilaasortanngorput:

Justus Hansen
Andreas Uldum

Kattusseqatigiit Partiiata ilaasortaataatit una sulinngiffeqarpoq:

Anthon Frederiksen

Kattusseqatigiit Partiianit sinniisutut una ilaasortanngorpoq:

Knud Fleischer.

31. december 2012 Inatsisartunut ilaasortat:

Inuit Ataqtigiit (12 ilaasortat):



Hans Aronsen



Olga P. Berthelsen



Harald Bianco



Aqqaluaq B. Egede



Isak Hammond



Juliane Henningsen



Debora Kleist



Kuupik Kleist



Storm Ludvigsen



Josef Motzfeldt



Naaja Nathanielsen



Jane Petersen

Demokraatit (4 ilaasortat):



Justus Hansen



Astrid Fleischer Rex



Jørgen-Ole Nyboe
Nielsen



Andreas Uldum

Kattusseqatigiit Partiiat (1 ilaasortaq):



Knud Fleischer

Siumut (12 ilaasortat):



Malik Berthelsen



Per Berthelsen



Hans Enoksen



Aleqa Hammond



Ruth Heilmann



Doris Jakobsen



Kristian
Jeremiassen



Kim Kielsen



Karl Lyberth



Akitsinguaq Olsen



Finn Karlsen



Anders Olsen

Atassut (2 ilaasortat):



Siverth K. Heilmann



Knud Kristiansen



8 Nersornaat

Namminersorlutik Oqartussat nersornaasiuttagaat Nersornaat 1989-imi Namminersornerullutik Oqartussat ukiut qulinngorlugit nalliuttorsiornerannut atatillugu pilersinneqarpoq. Saqqarmiu Namminersorlutik Oqartussat nersornaasiuttagaasa akimanersaraat, saqqarmiulu Kalaallit Nunaannut piffissami sivisuumi annertuumillu nersortarialimmik sullissisimasunut tunniunneqarsinnaavoq, taakkununga ilaapput kalaallit oqaasii, kulturiat isigineqarnerallu. Inatsisartut Siulittaasoqarfiat saqqarmiuliinissamik aalajangiisartuuvoq. Nersornaat sɔlviusoq kuultiusorluunniit tunniunneqartarpoq.

Saqqarmiu kuultiusoq ukiumut annerpaamik ataasiarluni nersornaasiunneqartassaaq. Saqqarmiu sɔlviusoq ukiumut amerlanerpaamik tallimariarluni nersornaasiunneqartassaaq. Immikkorluinnaq pisoqartillugu Siulittaasoqarfik amerlanerusunik nersornaasiisinnaavoq.

2012-mi kuultiusumik nersornaasikkat	Tunniunneqarpoq:
-/-	-

2012-mi sɔlviusumik nersornaasikkat	Tunniunneqarpoq:
Gerth Pivåt	21. juni
Christian Eugen-Olsen	28. juni
Jens Kristian Friis	15. august
Gerth Larsen	8. september

Inatsisartut Siulittaasoqarfiat 2012-imi inunnik sisamanik ukuninga sɔlviusumik Nersornaasiivoq:

Ulloq 21. juni 2012:

Gerth Pivåt piffissami sivisuumi annertuumillu kulturikkut nersortarialimmik Kalaallit Nunaannik sullissisimanera tunngavilersuutigalugu, minnerunngitsumillu peqataasimammat aqaatit ileqqorsuutillu Tasiilami eqqaanilu sulii eqqaaneqartut puorneqartussaaajunnaarlugit ilinniartitsissutugalugit immiunneqarsimanerat siuttutut peqataaffigisimammagu.

Ulloq 28. juni 2012:

Kunngikkormiut aaqqissuussinernut assigiinngitsunut pisortaat, ceremonimester, kammerherriutigisoq Christian Eugen-Olsen piffissami sivisuumi annertuumillu nalitsinni nunatsinni kulturikkut ilinniartitaanikkullu ineriartornissamut killiliussat annertusarneqarnerinut nersortarialimmik nunatsinnik sullissisimanera tunngavilersuutigalugu.

Ulloq 15. august 2012:

Jens Kristian Friis Salling minnerunngitsumik illoqarfigisamini Qeqertarsuarmi, kisiannili aamma nunatsinni aalisarnermik inuussutissarsiteqarnerup ineriartortinneqarnera eqqarsaatigalugu piffissami sivisuumi annertuumillu inuussutissarsiorneq eqqarsaatigalugu nersortarialimmik suliaqarsimanera tunngavilersuutigalugit.

Ulloq 8. september 2012:

Gerth Larsen piffissami sivisuumi annertuumillu nunatsinni oqartussanik Islandimilu kalaallinik nersortarialimmik sullissisimanera islandimilu oqartussanut inuiaqatigiinnillu attaveqaataasimanera tunngavilersuutigalugit.

Nersornaat pillugu aalajangersakkt

§ 1

Saqqarmioq taaguuteqarpoq Nersornaat.

§ 2

Saqqarmiup ilusaa ilanngussami takuneqarsinnaavoq. Saqqarmioq danskit saqqarmiusut ningaliusatut imusatut siillikimik aappaluttumik qaqortumillu imusamik attanneqarpoq. Siiliki aappaluttoq qaqortorlu imusaq kalaallit erfalasuattut ilusiligaavoq.

§ 3

Saqqarmioq Inatsisartut Siulittaasoqarfianit tunniuneqartarpoq. Tunniussisoqartinnagu Naalakkersuisut tusarniarneqassapput. Inassuteqaat apeqqutaatinnagu tunniussisoqarsinnaavoq. Siulittaasoqarfiup Inatsisartunut imaluunniit Naalakkersuisunut ilaasortaq tunniussinissamat pisinnaatissinnaavaa.

§ 4

Saqqarmioq danskisut nunamiluunniit allamiutut innuttaassusilinnut Kalaallit Nunaat pillugu, tamatumani-taaq kalaallit oqaasii, piorsarsimassusiat, isigineqarnerallu pillugu siviisuumik annertuumillu nersortarialimmik suliniuteqarsimasunut tunniunneqarsinnaavoq.

§ 5

Nersornaat kuultiusoq imaluunniit sɔlviusoq tunniunneqartarpoq.

Nersornaat kuultiusoq ukiumut annerpaamik ataasiarluni tunniunneqartarpoq. Nersornaat sɔlviusoq annerpaamik ukiumut tallimiarluni tunniunneqartarpoq. Pissutsini immikkut ittuni taamatut amerlassusiliineq Siulittaasoqarfimmit sanioqqunneqarsinnaavoq.

Saqqarmioq kuultiusoq tiguisup toqunerani utertinneqassaaq, sɔlviusorli utertinneqassanani. Kuultiusoq utertinneqangippat Siulittaasoqarfiup aalajangiineratigut taarsiissuteqarnissamik piumasaqartoqarsinnaavoq.

Saqqarmiumut ilaliullugu saqqarmiumik tunineqartoq allagartamik uppernarsaammik tunisissaaq. Allagartaq uppernarsaat tunniussinnermut tunngavilersuummik imaqarsinnaavoq. Allagartaq uppernarsaat Inatsisartut Siulittaasuannit atsiorneqassaaq.

§ 6

Kinaluunniit saqqarmiumik tiguisoq tunineqarsinnaanginnermut pissutsinik iliuuseqarsimappat, Siulittaasoqarfiup aalajangersaaneratigut saqqarmioq tassannga arsaarinnissutigineqarsinnaavoq.

§ 7

Kinaluunniit saqqarmiumik tiguisoq tunineqarsinnaanginnermut pissutsinik iliuuseqarsimappat, Siulittaasoqarfiup aalajangersaaneratigut saqqarmioq tassannga arsaarinnissutigineqarsinnaavoq.

Taamaalilluni Inatsisartut Siulittaasoqarfianni akuerineqarpoq:

Nuuk, ulloq 8. marts 2010

Josef Motzfeldt
Inatsisartut Siulittaasuut

/

Ellen Kolby Chemnitz
Allattaaneq



Gerth Pivât sølviusumik nersornaaserneqarpoq.



Christian Eugen-Olsen sølviusumik nersornaaserneqarpoq.



Jens Kristian Friis Salling sølviusumik nersornaaserneqarpoq.



Gerth Larsen sølviusumik nersornaaserneqarpoq.



9 Inatsisartut Ombudsmandiat

Ombudsmandip 2012-imi suliarisimasaasa amerlassusii ukiup siuliani suliaasimasut amerlassusiinut nallersuutikanerput.

Ombudsmandi 2012-imi naammagittaalliuutit aalisarnermut tunngasut amerlangaatsiartut tiguai. Naammagittaalliuutigineqartut tassaanerupput pisassiissutitut aalisarsinnaanermullu akuersissutit itigartitsissutigineqartunut tunngasut. Ombudsmandi naammagittaalliuutit amerlanerat tunngavigalugu suliaasaqarfik nammineerluni misissuinermik aallartitsiviginiarlugu aalajangerpoq. Misissuineq taanna 2012-ip naanerani naammassineqanngilaq.

Ombudsmandip ilageeqarnermi oqartussaasut aalajangigaat eqqarsaatigalugit llaqtariinnermut, Kultureqarnermut, ilageeqarnermut Naligiissitaanermullu Naalakkersuisoqarfiup naammagittaalliuuteqartarfittut atuunera kiisalu Qitiusumik Allaffeqarfissuarmi suliani sulisunut tunngasuni aalajangiinissamut pisinnaatitaaneq pillugu tunngaviusumik apeqqutit 2012-imi ilaatigut isummerfigisimavai.

Ombudsmandip 2012-imi ukiumoortumik nalunaarutaa 2010-mi 2011-milu ukiumoortumik nalunaarutit assigalugit atuagangorlugu ataatsimut paasissutissanik cd-romimillu ilaqartinneqartoq nalinginnaasumik soqutiginaatilinnik imaqartoq saqqummersinneqassaaq. Atuagaq aammattaq allaaserisanik ombudsmandip 2012-imi suliarisimasaanut apeqqutinik assigiinngitsunik tunngassuteqartunik imaqassaaq.



10 Ataatsimiinnernut takussutissiaq

2009-mi qinersinerup kingorna ataatsimiinnernut takussutissiaq

2009-mi inissitsiterfiusumik ataatsimiinneq 12. junimit 16. junimut ullunik pingasunik ataatsimiiffiuvoq.
 2009-mi immikkut ittumik ulluni marlunni ataatsimiinneq 16. junimiit 19. junimut ataatsimiiffiusoq.
 2009-mi ukiakkut ataatsimiinneq 25. septemberimit 27. novemberimut ullunik 28-nik ataatsimiiffiuvoq.
 2010-mi upernaakkut ataatsimiinneq 9. aprilimit 18. majimut ullunik 16-inik ataatsimiiffiuvoq.
 2010-mi ukiakkut ataatsimiinneq 17. septemberimit 15. novemberimut ullunik 23-inik ataatsimiiffiuvoq.
 2011-mi upernaakkut ataatsimiinneq 1. martsimiit 13. aprilimut ullunik 18-inik ataatsimiiffiuvoq.
 2011-mi ukiakkut ataatsimiinneq 16. septemberimiit 15. novemberimut ullunik 27-nik ataatsimiiffiuvoq.
 2012-mi upernaakkut ataatsimiinneq 13. aprilimiit 29. majimut ullunik 22-nik ataatsimiiffiuvoq.
 2012-mi ukiakkut ataatsimiinneq 21. septemberimiit 7. decemberimut ullunik 30-nik ataatsimiiffiuvoq.

2009-mi, 2010-mi 2011-milu ataatsimiinnerni Inatsisartuni sulineq	2009- mi inis- sitsi- terfi- usumik	2009- mi immik- kut	2009- mi ukiak- kut	2010- mi uper- naak- kut	2010- mi ukiak- kut	2011- mi uper- naak- kut	2011- mi ukiak- kut	2012- mi uper- naak- kut	2012- mi ukiak- kut
Ullut ataatsimiiffiit	3	2	27	16	23	18	27	22	30
Akunnerit Naalackersuisunut apeqquteqarfiit	-/-	-/-	-/-	2	7	5	7	7	8
Naalackersuisut aalajangiiffigisassatut siunnersuutaat	0	4	6	12	4	6	5	10	7
Naalackersuisut inatsisissatut peqqussutissatullu siunnersuutaat	0	0	25	25	13	5	18	14	26
Nassuiaatit nalunaarutillu Naalackersuisut saqqummiussaataat	0	0	8	7	3	2	7	7	4
Ilaasortat aalajangiiffigisassatut siunnersuutaat	0	0	45	33	30	33	46	37	56
Ilaasortat inatsisissatut peqqussutissatullu siunnersuutaat	0	0	1	2	3	1	3	1	0
Nunat Avannarliit Killiit Siunnersuisoqatigiiffiata aalajangersagaat	0	0	0	1	5	5	1	6	2
Apeqquteqaat aallaavigalugu oqallinnissamut siunnersuutit	0	0	9	12	6	8	21	23	15
Naalackersuisunut apeqqutit	0	0	21	2	5	-/-	-/-	0	0
Immikkoortut katillugit	0	4	115	94	69	60	101	98	110

Ataatsimiinnernit TV-kkut aallakaatitsinerit pitsaanerusut

Inatsisartuni oqallinnerit KNR-ip TV-kkut radiukkullu toqqaannartumik aallakaatittarpai. Teknikikkut ineriartorneq malillugu maanna TV-kkut isiginnaartut kina oqaaseqarnerisooq sunalu oqaluuserineqarnerisooq ingerlaannaq takusinnaalersimavaat, taamalu TV-kkut oqallinnermik innuttaasut periarfissaat pitsaanerulerlutik.



11 Akunneq Naalakkersuisunut apeqquaqarfik

Suleriaatsimi § 37, imm. 5, sapaatip akunneranut ataasiarluni akunnermik ataatsimik sivisussuseqartumik Naalakkersuisunut apeqquaqarfissamik aalajangersaanissamat Siulittaasoqarfiup periarfissaqarneranik imalik, siullerpaamik atorneqassasoq Inatsisartut Siulittaasoqarfiata april 2010-mi aalajangiuppa. Tassani Inatsisartunut ilaasortat oqaatigalugu nalunaarutigeqqaarnagulu Naalakkersuisunut ingerlaannartumik akisassamik apeqquaqarsinnaapput.

Apeqquqtit partiillu sapinngisamik amerlanerpaat angumeriumallugit oqaaseqarnermi piffissaliussat saneqqunneqarsinnaanerannik suleriaatsimut ilanngussaq tunngavigalugu akunneq apeqquaqarfissaq ima ingerlanneqartassasoq aalajangiunneqarpoq:

- Minutsit marluk atorlugit apeqquaqartoqartassasoq,
- Naalakkersuisunut ilaasortap akissutaa minutsinit marlunnit sivisunerussanngitsoq,
- Akissuteqarfigineqareeruni apeqquaqartoq ataasiarluni minutsimik ataatsimik sivisussusilimmik apeqquaqarqissinnaasoq,
- Tamatuma akinissaanut Naalakkersuisunut ilaasortaq minutsimik ataatsimik periarfissaqartoq,
- Partiit tamarmik immikkut apeqququtinik annerpaamik pingasunik apeqquaqarsinnaasut (tassunga apeqquaqarqinnerit ilanngunneqanngillat),
- Partiit tamarmik pingasunik apeqquaqarnissamik periarfissinneqareerpata piffissarlu sinneqarpat kikkulluunniit apeqquaqarsinnaassasut.

Akunnerit apeqquaqarfiit uku ingerlanneqarput:

Upernaakkut ataatsimiinneq 2012	
18. april	Nunami namminermit pissutsinut, Pinngortitamut Avatangiisinullu Naalakkersuisoq Anthon Frederiksen
25. april	Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoq Mimi Karlsen
1. maj	Peqqissutsimut Naalakkersuisoq Agathe Fontain
9. maj	Aalisarnermut, Piniarnermut Nunalerinermullu Naalakkersuisoq Ane Hansen
16. maj	Ineqarnermut, Attaveqarnermut Angallanermullu Naalakkersuisoq Jens B. Frederiksen
23. maj	Inuussutissarsiornermut Aatsitassanullu Naalakkersuisoq Ove Karl Berthelsen
29. maj	Naalakkersuisut Siulittaasuat kiisalu Nunanut allanut Naalakkersuisoq Kuupik Kleist

Ukiakkut ataatsimiinneq 2012	
26. september	Ilinniartitaanermut, Ilisimatusarnermut Nunallu avannarliit suleqatigiinnerannut Naalakkersuisoq Palle Christiansen
3. oktober	Nunami namminermit pissutsinut, Pinngortitamut Avatangiisinullu Naalakkersuisoq Anthon Frederiksen
10. oktober	Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoq Mimi Karlsen
17. oktober	Aningaasaqarnermut Naalakkersuisoq Maliina Abelsen
24. oktober	Inuussutissarsiornermut Aatsitassanullu Naalakkersuisoq Ove Karl Berthelsen
7. november	Aalisarnermut, Piniarnermut Nunalerinermullu Naalakkersuisoq Ane Hansen
14. november	Ineqarnermut, Attaveqarnermut Angallanermullu Naalakkersuisoq Jens B. Frederiksen
21. november	Naalakkersuisut Siulittaasuat kiisalu Nunanut allanut Naalakkersuisoq Kuupik Kleist

udtalelse, bortfalder eventuelle for-
sisartutudtalelse, som er meddelt mødelederen,
men endnu ikke bragt til afstemning. Anden form
for beslutning kan ikke træffes under forhandling
om en forespørgsel, jævnfør dog §§ 50-52.

Spørgsmål til Naalakkersuisut

§ 37. Ønsker et medlem at indhente oplysninger
om et offentligt anliggende, kan dette ske ved
et spørgsmål til Naalakkersuisut. Spørgsmålet
stilles skriftligt og indgives til formanden for
Inatsisartut, der anmelder spørgsmålet overfor
Inatsisartut, når det er omdelt. Spørgsmålet skal
være kort og bestemt affattet og ledsaget af en
begrundelse.

Stk. 2. Erklærer Naalakkersuisut, at det ikke ser
sig i stand til at besvare spørgsmålet, er sagen
dermed slut.

Stk. 3. Formanden for Inatsisartut sørger for, at
svaret fra Naalakkersuisut videresendes til spør-
geren, og at spørgsmål og svar offentliggøres for
medlemmerne af Inatsisartut.

Stk. 4. Spørgsmål kan tilbagekaldes ved et svar
fremstillet. Spørgsmål kan ikke rettes af andre.

Stk. 5. Formandskabet for Inatsisartut kan i
forbindelse med udvalgte spørgsmål af medlemmer
inatsisartut i forbindelse med udvalgte spørgsmål for anliggen-
de og spørgsmål, hvor medlemmerne af Inatsisartut
skriftligt og uden kommentar kan stille spørgs-
mål til Naalakkersuisut til undersøgelse heroverfor.
Spørgsmål kan ikke rettes af andre. Spørgsmål kan
jævnfør § 50, i stedet tilbagekalde spørgsmål.

Grundlag

§ 38. Inatsisartut
dag i september og
følgende år.

Stk. 2. Inatsisartut
inatsisartutåret

Stk. 3. Inatsisartut
med passende

Inatsisartut fir-
formanden for

delen af med-
det. Under ek-
behandler In-

til grund for
Stk. 4. Inatsisartut
nære efter

ordinære s-

Formkrav

§ 39. Pu-
ordenen

overens-
sættelt

anden i

bet for

Stk. 2
skide

over-
følge

12 § 37 naapertorlugu apeqquᑭᑦ

Inatsisartut Suleriaasianni § 37 (siusinnerusukkuᑦ § 36) naapertorlugu pisortat suliaasaataat pillugit Naalakkersuisunut apeqquᑭᑦqarluni ilaasortaq paasissutissinneqarsinnaavoq. Apeqquᑭᑦ allaganngorlugu Inatsisartut Siulittaasuanut saqqummiunneqassaaq, taassumalu apeqquᑭᑦ agguanneqareerpat Inatsisartunut nalunaarutigissavaa. Apeqquᑭᑦ naatsumik erseqqissumillu ilusilerneqassaaq aammalu tunngavilersuutitaqassalluni.

2008-miilli § 36 / § 37 naapertorlugu apeqquᑭᑦ ima amerlatigisut partiinit saqqummiunneqarput:

Partii	2008	2009	2010	2011	2012
Inuit Ataqtigiit	43	42	21	30	48
Siumut	17	88	205	142	170
Demokraatit	44	27	24	48	32
Atassut	6	5	23	17	19
Kattusseqatigiit Partiiat	15	7	5	15	26
Attaviitsut	3	2	-	-	-
Katillugit	128	171	278	252	295



13 Ataatsimiititaliat sulinerat

Inatsisartut ataatsimiinnerisa saniatigut suliassaq tullertut pingaarutilik tassaavoq ataatsimiititaliani sulineramik ingerlatsineq.

Inatsisartut ukiut tamaasa ataatsimiititaliat inatsisit naapertorlugit pilersinneqartussat aamma ataatsimiititaliat ataatvartut pilersittarpaat. Ataatsimiititaliat pingaarnertut suliassaraat inatsisissatut aalajangiiffigisassatullu siunnersuutit Inatsisartunit ataatsimiititalianut sularisassanngorlugit innersuunneqartut misissorlugillu isumaliutissiissuteqarfiginissaat. Aammattaaq ataatsimiititaliat suliassaqarfimmik iluanni ineriartornermik malinnaasussaapput aammalu inatsisitigut killiliussat iluanni Naalakkersuisut ingerlatsinersut nakkutigissallugu. Ataatsimiititaliat nalinginnaasumik Inatsisartunit ilaasortanik tallimanik (pissutsilluunniit immikkut ittut pisariaqartippassuk arfineq-marlunnik) ilaasortaqqartarput. Ataatsimiititalianut qinersisoqartarpoq d'Hondtip periaasianik taaneqartartoq naapertorlugu.

2011-mi ukiakkut ataatsimiinnermiit ataatsimiititaliaqarnikkut aqqissuussaaneq imaappoq:

Ataatsimiititaliat inatsisit naapertorlugit pilersinneqartussat

- Siulittaasoqarfik (ilaasortat tallimat)
- Aningaasaqarnermut Akileraartarnermullu Ataatsimiititaliaq (ilaasortat arfineq-marluk)
- Inatsisinut Ataatsimiititaliaq (ilaasortat tallimat)
- Kukkuersuineranut Ataatsimiititaliaq (ilaasortat tallimat)
- Nunanut allanut Sillimaniarnermullu Ataatsimiititaliaq (ilaasortat tallimat)
- Qinigaanerup misilinneqarnissaanut Ataatsimiititaliaq (ilaasortat tallimat)

Ataatsimiititaliat ataatvartut

- Sanaartornermut Avatangiisinullu Ataatsimiititaliaq (ilaasortat arfineq-marluk)
- Ilaqutariinnermut Peqqissutsimullu Ataatsimiititaliaq (ilaasortat arfineq-marluk)
- Aalisarnermut, Piniarnermut Nunalerinerimullu Ataatsimiititaliaq (ilaasortat arfineq-marluk)
- Inuussutissarsiornermut Ataatsimiititaliaq (ilaasortat arfineq-marluk)
- Kultureqarnermut, Ilinniartitaaneranut, Ilageeqarnermut Ilisimatusarnermullu Ataatsimiititaliaq (ilaasortat tallimat)

Ataatsimiititaliat 2012-imi sulinerat

Ataatsimiititaliaq	Ataatsimiititaliap ataat-simiinneri	Isumaliutissiissutit / Ilasutit isumaliutissiissutit	Paasisassarsiorluni angalanerit ataat-simiinnerillu	Naalakkersuisunik apersuinerit	Ataatsimiititaliamut sassarnerit
Ataatsimiititaliat inatsisit naapertorlugit pilersinneqartussat					
Aningaasaqarnermut Akileraartarnermullu Ataatsimiititaliaq	47	5/1	9	14	2
Inatsisinut Ataatsimiititaliaq	16	6/1	5	1	4
Kukkuersuineranut Ataatsimiititaliaq	5	1	2	1	0
Nunanut Allanut Sillimaniarnermullu Ataatsimiititaliaq	14	1	6	1	0
Qinigaanerup misilinneqarnissaanut Ataatsimiititaliaq	0	0	0	0	0
Ataatsimiititaliat ataatvartut					
Sanaartornermut Avatangiisinullu Ataatsimiititaliaq	21	9/1	19	6	1
Inuussutissarsiornermut Ataatsimiititaliaq	32	20	11	7	2
Ilaqutariinnermut Peqqissutsimullu Ataatsimiititaliaq	25	17	17	2	2
Aalisarnermut, Piniarnermut Nunalerinerimullu Ataatsimiititaliaq	15	8	9	3	1
Kultureqarnermut, Ilinniartitaaneranut Ilisimatusarnermut Ilageeqarnermullu Ataatsimiititaliaq	18	12	9	6	5
Katillugit	193	82	87	41	17



14 Ataatsimiititaliani ingerlatat

Aningaasaqarnermut Akileraartarnermullu Ataatsimiititaliaq

Ataatsimiititaliaq aningaasartu- utai kr.	2009	2010	2011	2012
kr.	-	-	2.645	348.482

Paasisassarsiorluni angalanerit ataatsimiinnerillu:

26. januar: Innaallagissamut, imermut kiassarnermullu siunissami akeqartitseriaasissaq pillugu ilisimatitsiffiusumik Sanaartornermut Avatangiisinullu Ataatsimiititaliaq peqatigalugu Ineqarnermut, Attaveqarnermut Angallannermullu Naalakkersuisumik ataatsimeeqateqarneq.

1. april: Sanaartornermut Avatangiisinullu Ataatsimiititaliaq peqatigalugu Air Greenland A/S-ip ilisimatitsiffiusumik ataatsimeeqatigenera.

23. april: Ilaasunik angallassinermi sullissinissamik isumaqatigiissutit nutaat pillugit ilisimatitsiffiusumik Sanaartornermut Avatangiisinullu Ataatsimiititaliaq peqatigalugu Ineqarnermut, Attaveqarnermut Angallannermullu Naalakkersuisumik ataatsimeeqateqarneq.

27. april: Sanaartornermut Avatangiisinullu Ataatsimiititaliaq peqatigalugu Royal Arctic Linep ilisimatitsiffiusumik ataatsimeeqatigenera. Ataatsimiinnermi ilaatigut sammeneqarput aningaasaleeqataassutit, sulisussarsiorarneq, avatangiisinut tunngasumik iliutsit, umiarsualivimmiinnermut akileraarutit umiarsualivimmillu allilerinissaq.

15. maj: Ineqarneq pillugu ingerlatsinerimut nassuiaat (UPA 2012/41) aammalu sanaartortitsisutut siunnersuisarneq pillugit ilisimatitsiffiusumik Sanaartornermut Avatangiisinullu Ataatsimiititaliaq peqatigalugu Ineqarnermut, Attaveqarnermut Angallannermullu Naalakkersuisumik ataatsimeeqateqarneq.

18. maj: Assartuinnermut lsumalioqatigiissitap kaammattuutaanut tunngasumik sulinerup ingerlaqqinnera aammalu Nu-
ummi umiarsualiviup allilerneqarnissaanut pilersaarutit pillugit ilisimatitsiffiusumik Sanaartornermut Avatangiisinullu Ataatsimiititaliaq peqatigalugu Ineqarnermut, Attaveqarnermut Angallannermullu Naalakkersuisumik ataatsimeeqateqarneq.

29. maj - 5. juni: Sverigemut paasisassarsiorluni angalaneq. Nuup kangerluani saviminermik aatsitassarsiorfiliornissaq aamma 2012-imi assut soqutigineqarlunilu oqallisigineqarpoq, 2012-imi augustimi Nuup kangerluani Isukasiani saviminermik paaanissamut akuerineqarnissamut inaarutaasumik qinnuteqaat London Mining Greenland A/S-ip tunniuppa.

Tamannalu tunngavigalugu saviminermik aatsitassarsiorfeqarneq qanoq ingerlanneqartarnerseq najukkamullu qanoq sunnuteqartarnerseq pillugu misilittakkanik pissarsiarluni Sverigemut tikeraarnissani Aningaasaqarnermut Akileraartarnermullu Ataatsimiititaliaq naapertuuttuusoraa. Aammalu naalagaaffiit aningaasartuutissanut qummut killissa-liisarnerat (missingersuutit qummut killissaat) Sverigemut maligassiuisuuffigineqartoq pillugu ilisimasaniq pissarsinissaq kissaatigineqarpoq. Kiisalu nunami isorartuumi, matumani pineqartumi nunatsinnut sanillersuunneqarsinnaasumi, ungasianit ilinniartitsinerimik atuinerup iluaqutaasinnaasunik misilittagaqarfigilernissaa kissaatigineqarpoq.

Luleå, Kiruna aamma Stockholm ataatsimiititaliamit tikeraarneqarput. Kirunami saviminermik aatsitassarsiorfik, saviminissamik avammut tunisassamik tunisassiorfiusoq, ataatsimiititaliamit ilaatigut takuniaaffigineqarpoq. Tassani aatsitassarsiorfiup najukkami inuiaqatigiinnut toqqaannartumik sunniutai ataatsimiititaliamit paasisaqarfigineqarput. Luleåmi saviminissamut umiarsualivik 1996-imeersoq, saviminermik tunisassianik pisisartunut ingerlatassanik umiarsuarnut issoraavisoq, ataatsimiititaliamit takuniarneqarpoq. Stockholmimi ataatsimiititaliaq ilaatigut naappipai svenskit inatsisartuisa naalakkersuisuisalu sinniisui kiisalu suliffeqarfik namminersortoq ungasianit ilinniartitsinerimik immikkut ilisimasalik.

Angalaneq assorsuaq pissarsiffiuvoq, minnerunngitsumillu missingersuutitut qummut killiliisarnerup nunatsinni atuut-sinneqalersinnaanera eqqarsaatigalugu misilittakkat iluaqutaasinnaasutut isumassarsiffiulluurtutullu ataatsimiititaliamit isigineqarput.

15. september: Inuussutissarsiornermut Ataatsimiititaliaq peqatigalugu Kalaallit Nunanni Aningaasaqarnermut Siunnersuisoqatigiit, 2012-imut nalunaarutiminnik saqqummiisut, ilisimatitsiffiusumik ataatsimeeqatiginerat. Ataatsimiit-tarnerit taakku, Siunnersuisoqatigiit nalunaarutiminnik tamanut saqqummiussinerannut atatillugu akuttunngitsumik pisartut, Aningaasaqarnermut Ataatsimiititaliamit pingartinneqarput.

27. september: Ingerlatseqatigiiffiup aningaasaqarnera, ingerlatsinera, perusia nunanilu tamalaani ingerlatai pillugit Inuussutissarsiornermut Ataatsimiititaliaq aammalu Aalisarnermut, Piniarnermut Nunalerinermullu Ataatsimiititaliaq peqatigalugit Royal Greenland A/S-ip ilisimatitsiffiusumik ataatsimeeqatiginerat.

Apersuinerit:

22. marts: Ineqarnermut, Attaveqarnermut Angallanermullu Naalakkersuisumik apersuineq

27. april: Inuussutissarsiornermut Aatsitassarsiornermullu Naalakkersuisumik apersuineq

13. juli: Ineqarnermut, Attaveqarnermut Angallanermullu Naalakkersuisumik apersuineq

17. juli: Ineqarnermut, Attaveqarnermut Angallanermullu Naalakkersuisumik apersuineq

5. oktober: Ilinniartitaanermut, Ilisimatusarnermut Nunanullu Avannarlernut Suleqateqarnermut Naalakkersuisumik apersuineq

12. oktober: Aningaasaqarnermut Naalakkersuisumik apersuineq, Ilinniartitaanermut, Ilisimatusarnermut Nunanullu Avannarlernut Suleqateqarnermut Naalakkersuisumik apersuineq kiisalu Aalisarnermut, Piniarnermut Nunalerinermullu Naalakkersuisumik apersuineq

18. oktober: Ineqarnermut, Attaveqarnermut Angallanermullu Naalakkersuisumik apersuineq

19. oktober: Nunamut Namminermut, Pinngortitamut Avatangiisinullu Naalakkersuisumik apersuineq, Inuussutissarsiornermut Aatsitassarsiornermullu Naalakkersuisumik apersuineq kiisalu Aningaasaqarnermut Naalakkersuisumik apersuineq

5. november: Peqqissutsimut Naalakkersuisumik apersuineq

11. november: Ineqarnermut, Attaveqarnermut Angallanermullu Naalakkersuisumik apersuineq

Sassarfigineqarnerit:

27. januar: Sullissinissamik nutaamik isumaqatigiissutissaq pillugu KNI-mit sassartitsineq

21. november: Pisortanut akiitsoqarnermi Namminersorlutik Oqartussat akiligassanut ilanngaassisarnerat pillugu Qulleq ApS-imit, RM Sanasunit, Sanasugut-nit aamma Sanasoq Sommer ApS-imit sassartitsineq.

Inatsisinut Ataatsimiititaliaq

Udvalgets Ataatsimiititaliap aningaasartuutai kr.	2009	2010	2011	2012
kr.	109.575	164.204	193.922	288.030

Paasisassarsiorluni angalanerit ataatsimiinnerillu:

22. - 27. februar: Nuummur Københavnimullu paasisassarsiorluni angalaneq. Kalaallit Nunaanni pinerluuteqarsimasunik inissiisarfanni inissaaleqititsineq aallaavigalugu Kalaallit Nunaanni Pinerluuteqarsimasunik Isumaginnittoqarfiup pisor-taanik, Politimesterimik, Kalaallit Nunaata Eqqartuussisuuneranik, Kalaallit Nunaanni Eqqartuussivimmi eqqartuussisu-

mik kiisalu najukkami eqqartuussisut peqatigiiffiata siulittaasuanik ataatsimiititaliaq ataatsimeeqateqarpoq.

Københavni Folketingip Eqqartuussiveqarnermut Ataatsimiititaliaa ajornartorsiut pineqartoq pillugu ataatsimiititaliamit ataatsimeeqatigineqarpoq. Kiisalu danskit inuiaqatigiinnut kiffartuussinermit pineqaatissiisarnermi misilittagaat paasisaqarfiginiarlugit Inatsisunik Atortitsinermit Ministereqarfiup Ilimatusarnermut immikkoortortaa ataatsimiititaliamit pulaarneqarpoq.

11.-17. august: Ålandimut og Århusimullu paasisassarsiorluni angalaneq. Ålandimi Namminersorluni Oqartussaasut Inatsisartui Lagtingilu ataatsimiititaliamit pulaarneqarput. Kiisalu Landshøvdingimik (Finlandip sumiiffimmi pisortatigit aallartitaanik) ataatsimiititaliaq ataatsimeeqateqarpoq aammalu politiit pisortaqqarfiat (politimesterembedet) Ålandillu najukkami Eqqartuussivia pulaarneqarput.

Århusimiinnermi Risskovimi tarnikkut nappaatilinnut immikkoortortaqqarfik ataatsimiititaliamit pulaarneqarpoq.

14. maj: Kalaallit Nunaanni Eqqartuussiveqarneq pillugu Siunnersuisoqatigiit paasisutissiiviusumik ataatsimeeqatigineqarput.

18. maj: Inatsisartut Ombudsmandiat paasisutissiiviusumik ataatsimeeqatigineqarpoq.

26. oktober: Inatsisartut Ombudsmandiat paasisutissiiviusumik ataatsimeeqatigineqarpoq.

Apersuinerit:

11. maj: Nunamut namminerit, Pinngortitamut Avatangiisinullu Naalakkersuisumik apersuineq.

Sassarfigineqarnerit:

5. oktober: Kanukokamit sassarfigineqarneq.

15. oktober: AK-mit, IMAK-imit SIK-millu sassarfigineqarneq.

26. oktober: Transparency Greenlandimit sassarfigineqarneq.

9. november: ICC-mit sassarfigineqarneq.

Kukkuersiuneritmut Ataatsimiititaliaq

Ataatsimiititaliap aningaasartu- utai kr.	2009	2010	2011	2012
kr.	82.817	207.986	72.872	208.609

Paasisassarsiorluni angalanerit ataatsimiinnerillu:

19. marts: Nunat Avannarliit Inatsisartuini Kukkuersiuisut attaveqatigiiffiat.

Kukkuersiuneritmut Ataatsimiititaliamit ilaasortat marluk Nunat Avannarliit Inatsisartuini Kukkuersiuisut attaveqatigiiffiata siullermeerluni Københavni ataatsimiinnerani peqataapput.

15.-18. juni: Naatsorsuuserineq pillugu Reykjavikkimi isumasioqatigiinneq.

2012-imi juunip ulluisa 15-anniit 18-iannut Nunatta Karsia ukioq 2011-imut naatsorsuutai pillugit Kukkuersiuneritmut Ataatsimiititaliaq isumasioqatigiippoq. Ataatsimiititaliamit ilaasortat 2012-imi illoqqarfinni makkunaneersuupput Tasiilaq, Nanortalik aamma Qasigiannugit, taamaattumik tamanna pisariinnerutillugu isumasioqatigiinneq Reykjavikkimi ingerlanneqarpoq.

Apersuinerit:

8. november: Peqqissutsimut Naalakkersuisumik apersuineq.



Inatsisartutigoortumik kukkunerisiisarnermut nunat avannarliit attaveqatigiittarfianni Københavnimi ataatsimiinnermit.

Inatsisartutigoortumik kukkunerisiisarnermut nunat avannarliit attaveqatigiittarfianni ataatsimiinneq siulleq

Qallunaat Naalagaaffianni Kukkunerisiuisut 2012-imi martsip 19-ani Nunat Avannarliit Inatsisartuini Kukkunerisiuisut attaveqatigiiffiata siullermeerluni ataatsimeeqatigiinnerani qaaqqusisupput. Finlandimi, Savalimiuni, Kalaallit Nunaanni, Islandimi, Norgemi, Sverigemi kiisalu Ålandimi kukkunerisiuinnermut ataatsimiititaliami ilaasortat peqataapput. Tamatumunnga tunuliaqutaavoq, inatsisartuni kukkunerisiuinnermut ataatsimiititaliani ilaasortat suliassarisaasa atuuffigisaasalu immikkuullarissuunerat, tamanna pissutigalugu kukkunerisiuinnermut ataatsimiititaliap nunanut allanut paasisassarsioritornissaa pisariaqarsimavoq, suleriutsit inerisaaviginissaat pitsangorsarnissaallu angorusullugu.

Ataatsimiinnermi nunanit ataasiakkaanit saqqummiunneqartut tunngavigalugit oqallittoqarpoq:

- Kukkunerisiisarnerup iluaqutaanera atorneqarneralu – Kukkunerisiuinnermi Ataatsimiititaliarsuup inatsisartoqarnikkut, naalakkersuinikkut tusagassiorfinnullu attuumassuteqarnera.
- Kukkunerisiuinnermut Ataatsimiititaliarsuup naalagaaffiup kukkunerisiuisuut attuumassuteqarnera.
- Naalagaaffiit ajornartoortoqartillugu iliuseqarneranni Kukkunerisiuisut qanoq inissisimanissaat.

Attaveqatigiit tullissaanik ataatsimeeqatigiinnerat Osloimi aprilip 22-ani 2013-imi ingerlanneqassaaq.

Nunanut Allanut Sillimaniarnermullu Ataatsimiititaliaq

Ataatsimiititaliap aningaasartu- utai kr.	2009	2010	2011	2012
kr.	0	176.193	524.685	94.939

Paasisassarsiorluni angalanerit ataatsimiinnerillu:

20. marts: 2012-imut Naalakkersuisut nunanut allanut tunngasutigut naalakkersuinikkut ingerlatsineq eqqarsaatigalugu pilersaarutaat kissaataallu pillugit Naalakkersuisut siulittaasuannik ilisimatitsiffiusumik ataatsimiinneq. Ataatsimiititaliaq ataatsimiinnermi periarfissaqarsimavoq OLT-mik aqqissuussineq minnerunngitsumillu Naalagaaf-feqatigiit Issittumut tunngasunut ambassadøreqarnerat pillugit sukumiinerusumik apersuinissaminut.

24. maj: ICC-mik ilisimatitsiffiusumik ataatsimeeqateqarneq, tassani ataatsimiititaliaq ilisimatinneqarluni nunat inoqqaavisa pisinnaatitaaffii pillugit, tassungalu ilanngullugit nammeneq pisuussutinut oqartussaaneq aamma aatsitassarsiornermut uuliasiornermullu atatillugu nunanit allanit sulisoqarnerup sunniutigisinnaasai pillugit.

24. september: Ataatsimiititaliaq aatsitassat nunanullu allanut tunngasutigut naalakkersuinikkut ingerlatsineq pillugu isumasioqatigiissitsivoq, Naalakkersuisunut Inatsisartunullu ilaasortat ilanngullugit qaaqquneqarsimallutik. Ph.d Maria Ackrén (Ilisimatusarfik) Issittumi nunat tamalaat akornanni Kalaallit Nunaata inissisimanera pillugu saqqummiivoq, France Bourgouinilu (Dansk Institut for International Studier) aatsitassarsiorneq tamatumalu Kalaallit Nunaannut qanoq sunniuteqarsinnaanera pillugu saqqummiilluni.

20. november: Nunanut allanut naalakkersuisunik danskillu nunanut allanut ministeriannik ataatsimeeqateqarneq, EU, USA, Canada Issittorlu eqqarsaatigalugit nunanut allanut sillimaniarnermullu tunngasutigut naalakkersuinikkut ingerlatsineq pillugu Danmarkip/Kalaallit Nunaata suleqatigiinnerat oqallisigineqarluni.

21. november: Ataatsimiititaliaq sinnerlugu ilaasortat marluk nunat avannarliit illersornissamut nunanullu allanut tunngasutigut naalakkersuinikkut ingerlatsineq pillugu ullup affaa Københavnimi isumasioqatigiissitsinermit peqartaapput (Nunat Avannarliit Siunnersuisoqatigiiffiata Folketingillu Illersornissamut ataatsimiititaliaatanit aqqissorneqartumut). Ataatsimiititaliamut qitiulluinnartumik soqutiginarsimapput norgemi siusinnerusukkut illersornissamut nunanullu allanut ministeriusimasup Thorvald Stoltenbergip "Stoltenbergip nalunaarutaa" pillugu saqqummiussaaq, Danmarkimi Illersornissamut ilisimatusarfiup pisortaata Nils Wangip "Issittumi sillimaniarnermut tunngasutigut naalakkersuinikkut ingerlatsineq" pillugu saqqummiussaa aamma Danmarkimi illersornissamut ministerip Nick Hækkerupip NORDEFECO (Nordic Defence Cooperation, Nunat Avannarliit Illersornissaaq pillugu Suleqatigiinnerat, pingaarnerut sammasat sisamat ilagalugu "Issittumi suleqatigiinneq") pillugu saqqummiussaa.

6. december: Singaporep Danmarkimi ambassadøriani Mr. Kemal Siddiquemik ilisimatitsiffiusumik ataatsimeeqateqarneq, tassani Issittumik Singaporep soqutiginninnera ambassadørip oqaluttuaraa, ilaatigullu Kalaallit Nunatta Singaporellu assigiissutaat tikkuartorlugit. Ambassadøri Inatsisartut siulittaasuannut kissaateqarsimavoq taamatut ilisimateqatigiiffiusumik ataatsimeeqateqarniarluni, Inatsisartuni naalakkersuinikkut sulineq paasisaqarfigerusullugu kiisalu Kalaallit Nunaannut tikeraarnerminut tunuaqutaasut pillugit ilisimatitsissuteqarusulluni.

Apersuinerit:

1. maj: Nunani allani danskit aallartitaqarfiinut atatillugu sinniisoqarfeqarsinnaaneq pillugu nunanut allanut Naalakkersuisumi apersuineq.

Qinigaanerup misilinneqarnissaanut ataatsimiititaliaq

Ataatsimiititaliap aningaasartu- utai kr.	2009	2010	2011	2012
kr.	0	0	0	0

Nutaamik qinersisoqarneranut atatillugu qinigaanerup misilinneqarnissaanut ataatsimiititaliaagallartumik, sivisuner-

paamik ilaasortaasimasunit angajullermik taassumalu toqqagaanik sisamanik allanik ilaasortalimmik pilersitsisoqassa-
aq. Qinigaanerup Misilinneqarnissaanut Ataatsimiititaliaq Inatsisartut inissitsiterlutik ataatsimiinneranni Inatsisartul-
lu ukiuata aallartinnerani. Inatsisartunut Naalakkersuisunullu ilaasortat ilaasortaanerannik naleqqukkunnaarutaasut
pillugit ataatsimiititaliaq Inatsisartunut inassuteqaateqartarpoq. Ataatsimiititaliaq 2012-imi suliaasaqarsimangilaq.

Sanaartornermut Avatangiisinullu Ataatsimiititaliaq

Udvalgets udgifter	2009	2010	2011	2012
kr.	-	-	93.565	317.263

Paasisassarsiorluni angalanerit ataatsimiinnerillu:

10. januar: Assartuussineq pillugu Isumalioqatigiissitap inassutai, COP 17-mi angusat tamatumanilu sila pillugu isumaqatigiissutip maanna atuuttup Kalaallit Nunaannit aamma danskit naalagaaffiannit isumaqatigiinningsutaanera pillugu Ineqarnermut, Attaveqarnermut Angallannermullu Naalakkersuisumik ilisimatitsinertalimmik ataatsimeeqateqarneq.

26. januar: Inaallagissamik, imermik kiassarnermillu siunissami akeqartitseriaasissaq pillugit Aningaasanut Akileraartarnermullu ataatsimiititaliamik peqateqarluni Ineqarnermut, Attaveqarnermut Angallannermullu Naalakkersuisumik ilisimatitsinertalimmik ataatsimeeqateqarneq.

8.-9. marts: Sammisat assigiinngitsut 2011-imi ukiakkut katersuunnermi Ataatsimiititaliaq naammattumik piffissaqarfigisimangisai malitseqartinniarlugit isummersorfiginiarlugillu Ataatsimiititaliaq Nuummut sivikitsumik angalavoq. Ataatsimiititaliaq ilaatigut Nunamut Namminermut, Pinnortitamut Avatangiisinullu Naalakkersuisumik aamma Ineqarnermut, Attaveqarnermut Angallannermullu Naalakkersuisumik isumasioqateqarpoq. Tamatuma saniatigut Tele Greenland A/S, Pinnortitaleriffik, Nukissiorfiit Mittarfeqarfiillu paasisassarsiorluni ataatsimeeqatigineqarput.

9. marts 2012: Illuut A/S-imut siunissami pilersaarutit pillugit Ineqarnermut, Attaveqarnermut Angallannermullu Naalakkersuisumik ilisimatitsinertalimmik ataatsimeeqateqarneq.

12.-15. marts: Ataatsimeersuarnermi "Event 2012"-mi peqataatitaqarneq (peqataasoq ataaseq), tassani pineqarput issittumi sanaartornermi unammilligassat. Ataatsimeersuarnermi ilaatigut qitiutinneqarput issittumi sila pissutigalugu sanaartornermi unammilligassat; sanaartukkanik ilusiliinneq, nutaaliorneq, pijuartitsineq tunngavigalugu sanaartor-
neq, Issittumi nukissiuutit taartaasinnaasut kiisalu inatsiseqarneq nakkutillinerlu.

1. april: Aningaasanut Akileraartarnermullu ataatsimiititaliamik peqateqarluni Air Greenland A/S-imik ilisimatitsinertalimmik ataatsimeeqateqarneq.

23. april: Ilaasunik angallassinermi kiffartuussinnermut isumaqatigiissutit nutaat atuutilernissaat pillugit Aningaasanut Akileraartarnermullu ataatsimiititaliamik peqateqarluni Ineqarnermut, Attaveqarnermut Angallannermullu Naalakkersuisumik ilisimatitsinertalimmik ataatsimeeqateqarneq.

27. april: Pinnortitaleriffiup umiarsuaatitaavani misissuissummi "SANNA"-mi Aalisarnermut, Piniarnermut Nunaleri-
nermullu ataatsimiititaliamik peqateqarluni takornariartinneqarneq.

27. april: Aningaasanut Akileraartarnermullu ataatsimiititaliamik peqateqarluni Royal Arctic Line-mik ilisimatitsinertalimmik ataatsimeeqateqarneq. Ataatsimiinnermi sammisat ilaatigut tassaapput aningaasalersuisarnermi tapiissutit, sulisussarsiorarneq, avatangiisit pillugit iliuutsit, umiarsualivimmu akitsuutit aamma umiarsualiviit allilerneqarnerat.

15. maj: Ineqarneq pillugu ingerlatsinnermut nassuiaat (UPA 2012/41) aamma sanaartortitsisumut siunnersuisarneq pillugu Aningaasanut Akileraartarnermullu ataatsimiititaliamik peqateqarluni Ineqarnermut, Attaveqarnermut Angallannermullu Naalakkersuisumik ilisimatitsinertalimmik ataatsimeeqateqarneq.

18. maj: Assartuussineq pillugu Isumalioqatigiissitap inassutai pillugit sulinerup ingerlaqqinnerani killiffik pillugu kiisalu Nuummi umiarsualiviup allilerneqarnissaanut pilersaarutit killiffii pillugit Aningaasanut Akileraartarnermullu

ataatsimiititaliamik peqateqarluni Ineqarnermut, Attaveqarnermut Angallanermullu Naalakkersuisumik ilisimatitsinertalimmik ataatsimeeqateqarneq.

21. maj: Illut ilusaat pitsaassusaallu pillugit arkitekt Peter Barfoedimik Tegnestuen Nuummeersumik ilisimatitsinertalimmik ataatsimeeqateqarneq.

15. juni-22. juni: Piujuartitsineq tunngavigalugu ineriartorneq pillugu Naalagaaffiit Peqatigiit ataatsimeersuartitsineranni (RIO+20) peqataatitaqarneq (peqataasoq ataaseq). Ataatsimeersuarnermi pingaarnertut siunertaasut marluupput; 1: piitsuuneq akiorniarlugu aamma piujuartitsineq qitiutillugu mingutsitsinertakitsumik aningaasarsiornermik ineriartortitsinerit; 2: Piujuartitsinermit nunarsuaq tamakkerlugu suliffeqarfinnut sinaakkutissat nutarterneqarnerat. Taakkua saniatigut ulluni sammisaqarfiusuni sammisat arlallit oqallisigineqarput, ilaatigut piitsuussutsip nungutinneqarnissaa, inuussutissatigut nerisaqarnikkullu isumannaallisaaneq, kiisalu piujuartitsineq tunngavigalugu aningaasarsiornikkut ineriartorneq, tamatumani piujuartitsineq tunngavigalugu atuineq nioqqutissiornerlu.

28.-30. august: Issittumi nunaannarmit illoqarfinnut eqiterunneq pillugu nunat tamalaat ataatsimeersuarneranni peqataatitaqarneq (peqataasoq ataaseq).

13. september: Inatsisinut ataatsimiititaliaq aamma Inuussutissarsiornermut ataatsimiititaliaq peqatigalugit Folkeetingip Grønlandsudvalg-ianik ilisimatitsinertalimmik ataatsimeeqateqarneq. Ataatsimiinnermi sammisat tassaapput inatsiseqarnermut tunngasut, aatsitassanik piiaaneq, imaatigut angalaneq aamma isumannaallisaaneq.

17. november: Inuussutissarsiornermut ataatsimiititaliaq peqatigalugu Tasersiamut takusaaneq, tassani Alcoa imermik nukissiorfiliorniarluni pilersaaruteqarpoq, kiisalu Isukasianukarneq, tassani London Mining saviminissamik piaaffimik pilersitsinissamut pilersaaruteqarmat.

20. november: UKA 2012/55 (attartortumit piginnittuunermit aqqissuussineq malillugu inissianik/illunik pisinermit teknikkikkut aningaasaqarnikkullu naliliisarneq) pillugu Ataatsimiititaliap tusarniaanerani Grønlandsbankenip akis-sutaa pillugu Grønlandsbankenimik ilisimatitsinertalimmik ataatsimeeqateqarneq.

23. november: Kujataani nujuitsunik tuttuuteqarneq pillugu Aalisarnermut, Piniarnermut Nunalerinermullu ataatsimiititaliaq peqatigalugu Aalisarnermut, Piniarnermut Nunalerinermullu Naalakkersuisumik ilisimatitsinertalimmik ataatsimeeqateqarneq.

Apersuinerit:

8. marts: PCB-p passunneqartarnera pillugu Ineqarnermut, Attaveqarnermut Angallanermullu Naalakkersuisumik aamma Nunamut namminermit, Pinngortitamut Avatangiisinullu Naalakkersuisumik ataatsimoortumik isumasioqateqarneq.

15. maj: UPA 2012/39 (Imarsiornerup isumannaatsuunissaa pillugu inatsisit allannguutaasa Kalaallit Nunaannut atuutilersinnerinut peqqussut) pillugu Ineqarnermut, Attaveqarnermut Angallanermullu Naalakkersuisumik isumasioqateqarneq.

16. oktober: UKA 2012/156 (BSU pillugu peqqussut naapertorlugu illuutillinnut tapiissutit) aamma Kyotoprotokol II naapertorlugu piussaaffiit (2013-2018/20) pillugit aamma silamut tunngasunik suleqatigiinnissamut isumaqatigiissut pillugu Ineqarnermut, Attaveqarnermut Angallanermullu Naalakkersuisumik isumasioqateqarneq.

6. november: Kalaallit Nunaanni ujaasisarnermut annaassiniartarnermullu siunissami upalungaarsimaneq (Search and Rescue) pillugu Ineqarnermut, Attaveqarnermut Angallanermullu Naalakkersuisumik isumasioqateqarneq.

15. november: UKA 2012/20 (Inatsisinik atuinikkut isumaqatigiinngissutinut aningaasartuutit akinut aalajangersakkanik aqqissuussinerup maannakkut atuuttup allanngortinneratigut nuna tamakkerlugu atuisunut tamanut nammaqatigiinneq atorlugu agguataarneqartarnissaat) pillugu Ineqarnermut, Attaveqarnermut Angallanermullu Naalakkersuisumik isumasioqateqarneq.

19. november: UKA 2012/55 (attartortumit piginnittuunermit aqqissuussineq malillugu inissianik/illunik pisinermit teknikkikkut aningaasaqarnikkullu naliliisarneq) pillugu naalakkersuisumik isumasioqateqarneq.

Sassarfigineqarnerit:

17. januar: Inuussutissarsiornermut ataatsimiititaliaq aamma Aalisarnermut, Piniarnermut Nunalerinermullu ataatsimiititaliaq peqatigalugit Greenpeace-mik sassartitsineq. Ukioq manna uuliasiorluni qillerinermut Greenpeace-p misilittagai aamma Tunup avannaarsuani/Kanumas-imik sumiiffinni uuliasiorluni qillerinerit ammaaffiginiarnerinut Greenpeace-p aarleqqutai pillugit Ataatsimiititaliaq paasisutissinneqarpoq.

Inuussutissarsiornermut Ataatsimiititaliaq

Ataatsimiititaliaq aningaasartuutai kr.	2009	2010	2011	2012
kr.	114.844	238.887	279.054	143.661

Paasisassarsiorluni angalanerit ataatsimiinnerillu:

Upernaaq Inuussutissarsiornermut Ataatsimiititaliaq paasisassarsiorluni Maniitsumut angalavoq. Angalanermi ilaatigut Maniitsumi aluminiummimik aatsiterivissamut pilersaarutit pillugit innuttaasunik ataatsimiitsinerimut peqataanissaq siunertaalluni. Tamatuma saniatigut Maniitsumi innuttaasut soqutigisaqatigiit Alcoap aluminiummimik tunngaveqarluni suliniutaanik sammisaqartut aallartitaannik Inuussutissarsiornermut Ataatsimiititaliaq naapitsivoq. Qeqqata kommuniata Inuussutissarsiornermut Siunnersuisoqatigiivini Inuussutissarsiornermut Ataatsimiititaliaq tamakkua saniatigut ataatsimeeqateqartarpoq.

Suliassanut annertuunut inatsisissamik suliaqarnermut atatillugu kiisalu Alcoap pilersaarutaanut sinaakkutissatut atugassarititaasut pillugit Sanaartornermut Avatangiisinullu Ataatsimiititaliamit aallartitat peqatigalugit, Alcoap erngup nukissiorfiliorfiginiarlugu pilersaaruteqarfigisaanut, Tasersiamut kiisalu London Miningip saviminissamik piaavimmik pilersitsiniarluni suliniuteqarfigisaanut, Isuanut ukiaanerani Inuussutissarsiornermut Ataatsimiititaliaq takusaalluni angalavoq.

17. januar: Cairn Energy uuliasiorluni qillerinera tamatumunngalu atatillugu sillimaniarluni upalungaarsimaneq pillugu Greenpeace paasisutissiivigeqatigiiffiusumik ataatsimeeqatigineqarpoq.

Ukioq Inuussutissarsiornermut Ataatsimiititaliamut ulapaarfusooq

2012-imi siunnersuutini 25-inik Inuussutissarsiornermut Ataatsimiititaliaq innersuussivigineqarpoq isumaliutissiissutinillu 18-inik suliaqarluni. Ilaasortanit siunnersuutit saniatigut inatsisissatut siunnersuutit arfineq marluusut, ilaatigut Kalaallit Nunaata siunissaa eqqarsaatigalugu pingaaruteqartut arlallit, ataatsimiititaliaq ukiaanerani ataatsimiinnermi suliarisimavai. Taamatullu ataatsimiititaliami ulapaarnerujussuarmut Aatsissarsiornermut inatsit minnerunngitsumillu Suliassanut Annertuunut inatsit pissutaaqataalluinnarsimapput, taakkuullutillumi ukiaanerani ataatsimiinnerup naammassinissaanik ullunik qulinik kinguartitsisariaqarnermik nassataqarsimasut.

13. september: Inatsisinut Ataatsimiititaliaq aamma Sanaartornermut Avatangiisinullu Ataatsimiititaliaq peqatigalugit Inatsisinik atortitsinerimut tunngassutillit, aatsitassanik piiaaneq kiisalu umiarsuit aqqutaat sillimaniarlunilu upalungaarsimaneq pillugit Folketingip Kalaallit Nunaat pillugu Ataatsimiititaliaanik paasisutissiivigeqatigiiffiusumik ataatsimeeqateqarneq.

15. september: Aningaasaqarnermut Akileraartarnermullu Ataatsimiititaliaq peqatigalugu Kalaallit Nunaata Aningaasaqarnermut Siunnersuisoqatigiivini, 2012-imut nalunaarusiaminnik saqqummiussisunik, paasisutissiivigeqatigiiffiusumik ataatsimeeqateqarneq.



Tasersiap eqqaani ataatsimiititaliamut ilaasortat paasisassarsiortut.

sarnermut, Piniarnermut Nunalerinermullu Ataatsimiititaliaq peqatigalugit, suliffeqarfiup aningaasaqarnikkut inissisimaneera, ingerlatsinera, periusissatut pilersaarutai kiisalu nunat tamalaat akornanni ingerlatai pillugit, Royal Greenland A/S-imit aallartitanik, paasisutissiivigeqatigiiffiusumik ataatsimeeqateqarneq.

25. oktober: Takornariartsinermik suliaqartunut nunaminertamik atuisinnaanermut akuersissutitut inatsisissatut, Aatsitassarsiornermut inatsisissatut kiisalu Suliassanut annertuunut inatsisissatut siunnersuutit pillugit Rambøllimik, Greenland Businessimik kiisalu Visit Greenlandimik paasisutissiivigeqatigiiffiusumik ataatsimeeqateqarneq.

16. november: Aatsitassarsiornermut kiisalu Suliassanut annertuunut inatsisissatut siunnersuutit sammillugit ICC-mik, SIK-mik aamma Transparency Greenlandimik paasisutissiivigeqatigiiffiusumik ataatsimeeqateqarneq.

”Aatsitassat nunanullu allanut tunngatillugu naalakkersuinikkut ingerlatsineq” pillugu isumasioqatigiinnermut Nunanut Allanut Sillimaniarnermullu Ataatsimiititaliamit aqqissuunneqartumut kiisalu Inerik 2012-imut ataatsimiititaliamut ilaasortat peqataasimapput.

Apersuinerit:

Naalakkersuisut siulittaasuat ataasiarluni apersorneqarpoq Inuussutissarsiornermut Aatsitassanullu Naalakkersuisoq tallimariarluni apersorneqarluni inuussutissarsiuteqarsinnaanermut inatsit, aatsitassat pillugit inatsit, alcoap pilersaarutaa suliniutillu annertuut pillugit inatsit pillugit.

Taamatuttaaq 2013-imut aningaasanut inatsisissatut siunnersuut pillugu Aningaasaqarnermut Akileraartarnermullu Ataatsimiititaliaq peqatigalugu Inuussutissarsiornermut Aatsitassanullu Naalakkersuisoq apersorneqarpoq.

Ilaqtariinnermut Peqqissutsimullu Ataatsimiititaliaq:

Ataatsimiititaliap aningaasartuutai kr.	2009	2010	2011	2012
kr.	-	-	5.496	302.810

Paasisassarsiorluni angalanerit ataatsimiinnerillu:

19.-22. januar. Ataatsimiititaliami ataatsimiinnerit, paasisassarsiorluni ataatsimiinnerit paasisassarsiorlunilu takuni-
anerit ingerlanneqarnerinut atatillugu Nuummi ataatsimiinnerit ullullu sammisassaqartitsiviusut.

Ilaqutariinnermut Peqqissutsimullu Ataatsimiititaliami pingaartitat

2012-imi Imigassanik aalakoornartulinnik nioqquteqarnermi sassaallertarnermilu piffissaliussat tuniniaavusartut sivitsorneqarnissaannut tunngatillugu annertuumik naalakkersuinikkut isumaqatigiinniarni Ilaqutariinnermut Peqqissutsimullu Ataatsimiititaliaq qitiusumik inissisimanini misigivaa. UPA 2012/89-imut siunnersuummik ataatsimiititaliap suliarinninnera aallaavigalugu isumaqatigiinniarneq ingerlanneqartoq tassaavoq, imigassamik aalakoornartulinnik nioqquteqartarnerq sassaallertarnerlu pillugit Inatsisartut inatsisaanni imigassanik kimittuunik kimikitsunillu nioqquteqarnermi piffissaliussat tuniniaaffiusartut ataasinngornermiit sapaat ilanngullugu nal. 21.00-ip tungaanut sivitsorneqarnissaat siunertaralugu allannguutissatut siunnersuummik Naalakkersuisut saqqummiusseqqullugit peqquneqarnissaannik Inatsisartuni aalajangiiffigisassatut siunnersuut. Inatsisartuni siullermeerinerup kingorna siunnersuut Ilaqutariinnermut Peqqissutsimullu Ataatsimiititaliami suliarineqartussanngorlugu innersuussutigineqarpoq, tamaalilluni ataatsimiititaliap siunnersuummut isumaliutissiissummini siunnersuut pillugu siunnersuusiorsinnaaqqullugu. Siunnersuummik sukumiisumik suliaqarnissaq siunertaralugu aalajangiiffigisassatut siunnersuummik inaarutaasumik aappassaaneerinissaq UKA 2012-imut kinguartinneqarpoq. Taamaalilluni suliamut tunngatillugu sukumiinerusumik suliaqarnissamut piffissamik pisariaqartinneqartumik ataatsimiititaliamut tunngavissaqartitsilerpoq.

2012-imi maajimi juunimilu attuumassuteqartunut arlalippassuarnut aalajangiiffigisassatut siunnersuut ataatsimiititaliap tusarniaassutigaa. Aalajangiiffigisassatut siunnersuutip tusarniaassutigineqarnera nalinginnaasuuvoq, pisumullu aalajangersimasumut ataatsimiititaliaq inatsisissatut siunnersuummik suliaqannginnermini aalajangiinissamut tunngavissamik pitsanngorsaanaissaminut pisariaqartitsivoq. Aalajangiiffigisassatut siunnersuutip tusarniaassutigineqarnerata saniatigut ataatsimiititaliaq Imigassaq Aannajaarniutillu pillugit Siunnersuisoqatigiit ilisimatitsiffiusumik ataatsimeeqateqarpoq, Hoteliutillit, Neriniartarfiutillit Takornariaqarnermillu suliaqartut sinniisaat sassartinneqarput aammalu Peqqissutsimut Naalakkersuisoq apersorneqarluni.

UKA 2012-imut siunnersuummut ataatsimiititaliap isumaliutissiissutaani aalajangiiffigisassatut siunnersuummut allannguutissatut siunnersuummik imaattumik naaperiaassutaasinnaasumik ataatsimiititaliaq saqqummiussaqarpoq, imigassanik kimittuunik kimikitsunillu nioqquteqarnermi piffissaliussat tuniniaaffiusartut tallimannngornikkut arfininngornikkullu nal. 21.00-ip tungaanut sivitsorneqassasoq.

Allannguutissatut siunnersuut ilusimisut iluseqartillugu akuersissutigineqarpoq.

2012-imi isumaginninnikkut peqqissutimullu tunngasut nalunaarutit periusissallu arlallit agguanneqarneri immikkut maluginiarneqarput. Ilaat Inatsisartunut ilaasortanut kikkunnullu tamanut agguanneqarput allallu Inatsisartuni suliarineqartussanngortinneqarlutik.

2012-imi makku tamanut saqqummiunneqartut allagaqaasiarineqarput, nalunaarusiat, iliuusissatut pilersaarutit aamma isumaginninnermut peqqissutsimullu tunngasuni Naalakkersuisut periusissiat:

- UPA 2012/36. Puigortunngorneq pillugu nassuiaat 2012.
- UKA 2012/102. Naalakkersuisut utoqqarnut periusissiaq pillugu nassuiaataat.
- Inuuneritta II - Periusissiat aamma 2013 - 2019-imut innuttaasut peqqissuunissaannik anguniagaq.
- 2012 - 2013-imut pujortartarnerup pinaveersaartinneqarnissaanut periusissiaq.
- UKA 2012/103. Persuttaasarneq akiorniarlugu Naalakkersuisut periusissiat iliuusissatullu pilersaarutaat 2013-2016.
- Nunatsinni nalunaarasuartaatitigut aqquutit iluaqutigalugit tarnikkut nakorsiaritsineq (telepsykiatri) pillugu nassuiaat aamma piviusunngortinneqarnissaanut periusissiasatut siunnersuut.
- Napparsimasunik ingiaqateqarnissamut sillimmasersimanissamut tunngatillugu nassuiaat UKA 2012.
- Kinguaassiuutitigut atornerlugaanermi kingusissukkat ajoquteqalersunut iliuusissatut pilersaarummut tunngatillugu nassuiaat 2012-2016.
- Siunissami imigassamik ajornartorsiuteqartunut katsorsaasarnissamut tunngatillugu nassuiaat.
- Ilulissani 1.-4. oktober 2012-imi ADHD aamma autisme pillugit ataatsimeersuarneq pikkorissarnertalik pillugu malitseqartitsinnermut nassuiaat.

Nassuiaat isumaqatigiinniutigigaluaaraanniluunniit isumaqatigiinniutigingikkaluaaraanniluunniit, naalakkersuinikkut siumut isigisumik pitsanngorsaqaqaanissamut ilisimasanik paasissutissiinermullu pingaaruteqarpoq. Nalunaarusiat tamakkiisuusariaqanngillat kukkuneqangitsuusariaqaratillu ataatsimiititalianullu inatsisartunullu ilaasortaanut siumut isigisumik naalakkersuinikkut isummerfissatut suliniutissanillu pingaarutilimmik oqimaalutaallutillu innersuussuteqarnermi sakkutut atornerqarsinnaallutik.

20. januar. Innuttaasunik sullissineq aamma nittartagaq innuttaasunik sullissiviusoq www.sullissivik.gl pillugit KANUKOKA-mik ilisimatitsiffiusumik ataatsimeeqateqarnek.

27. april. Imigassaq Aangajaarniutillu pillugit Siunnersuisoqatigiit siunissaannik ilisimatitsiffiusumik ataatsimeeqateqarnek. Ilisimatitsiffiusumik ataatsimiinnermi siunnersuisoqatigiit suliaat atuuffialu, siunnersuisoqatigiit paasisutissiisarnerat, hashimik atornerluinnermut atatillugu ilisimasat kaammattuutillu matumanilu pingaartumik inuusuttut akornanni atugaanera aammalu imigassanik sassaallertarnermut ammasarfinnullu atatillugu siunnersuisoqatigiillu isumaat kaammattuutaallu qulequtarineqarput.

14. maj. Ilaqutariinnut sullissiviit pillugit Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisumik ilisimatitsiffiusumik ataatsimeeqateqarnek.

20.-24. august. Ilaqutariinnermut Peqqissutsimullu Ataatsimiititaliami aallartitat piffissami tassani Danmarkimut paasisassarsiorlutik angalapput. Paasisassarsiorluni angalanerup siunertaraa ADHD-mik nappaatilinnut tunngatillugu annertunerusumik paasisaqarnissaq aammalu Danmarkimi kalaallit inuuniarnikkut ajornartorsiutillit atugaasa paasisaqarfiginissaat. SUS-imut (Sociale Udviklingscenter/Isumaginninnermut Ineriartortitsivik) nalinginnaasumik ikiuinaqatigiiffiusumut ilaatigut makkuninnga suliaqartumut takuniaaneq ingerlanneqarpoq: Meeqqanik inuuniarnikkut ajornartorsiutillinnik angajoqqaalinnik, meeqqanik inuusuttunillu navianartorsiortunik, angerlarsimaffeqangitsunik atornerluisunillu, innarluutilinnik tarnimikkullu nappaatilinnik, annersaasarnerup/ qinngasaarisarnerup pinaveersaartinneqarneranik, kinguaassiuutitigut atornerluisarnerup pinaveersaartinneqarneranik. Tamatuma saniatigut SUS immikkuullarissunik assigiinngitsunik "inuttut atugarisat pitsanngorsarniarlugit nutaaliernerit" assersuutigalugu suliffeqqanik pilersitsinissamut atorniartarfeeraqarnermik suliaqarpoq. Tamatuma saniatigut SUS Danmarkimi kalaallinik ajornartorsiutillinnik sullissisarpoq. Angalaqatigiit aamma napparsimasut nunatsinneersut Danmarkimut katsorsartikiartortut Købehavnimi kalaallit peqqissartut angerlarsimaffiannut paasisassarsiorlutik takuniaapput. Kiisalu Ilaqutariinnermut Peqqissutsimullu Ataatsimiititaliamiit angalaqataasut Statens Institut for Folkesundhed, Kofoeds skole, ADHA/autismecenter Furesø aamma ADHD-klinikken, region Hovedstadi paasisassarsiorfigalugit takuniarneqarput.

25. oktober. Nunatsinni napparsimasunut katsorsarneqarsinnaanngitsunut paaqqutaqarfimmik (hospice) pilersitsinissaq pillugu siunnersuutit pillugit PK-mi (PEQQISSAASUT KATTUFFIAT) siulittaasumik Inuuti Fleischerimik Ilisimatitsiffiusumik ataatsimeeqateqarnek. UKA 2012/60-imut aamma UKA 2012/72-imut aalajangiiffigisassatut siunnersuutit UKA 2012-imi akuersissutigineqartut innersuussutigineqarput. Napparsimasunut katsorsarneqarsinnaanngitsunut paaqqutaqarfik (hospice) pillugu Danmarkimi misilittakkat pillugit ilisimatinneqarnissaq siunertaralugu PK-mi siulittaasoq ataatsimiititaliamit immikkut aggersarneqarpoq.

3.-5. december. Ilaqutariinnut navianartorsiortunut siusissukkat suliniuteqarnerup pingaaruteqarnera pillugu ulluni

3.-4. december 2012-imi Stockholmimi ataatsimeersuarnermut ataatsimiititaliami ilaasortat arfineq marluusuni sisamat peqataapput. Pitsaaliuinissaq siunertaralugu utoqqaat angerlarsimaffiinnut pulaartartut pillugit Frederiksberg Sundhedscenterimi angalaqatigiit ulloq 5. december ilisimatitsiffiusumik ataatsimeeqateqarput. Pitsaaliuinissaq siunertaralugu utoqqaat angerlarsimaffiinnut pulaartarnek pillugu UKA 2012/23-imut siunnersuutit ataatsimiititaliap suliaqarneranut atatillugu immikkut isigineqartariaqarpoq.

Apersuinerit:

5. november 2012. Peqqinnissaqarfimmu ilassutitut aningaasaliissutit pillugit Aningaasaqarnermut Ataatsimiititaliap peqatigalugu Peqqissutsimut Naalakkersuisumik apersuineq.

8. november 2012. Imigassanik aalakoornartulinnik tuniniaanermi ammasarfiit sivitsorneqarnissaanut tunngatillugu UKA 2012/89-imut siunnersuut pillugu Naalakkersuisumik apersuineq.

Sassarfigineqarnerit:

9. oktober 2012. Imigassanik aalakoornartulinnik tuniniaanermi ammasarfiit sivitsorneqarnissaat pillugu UKA 2012/89-imut aalajangiiffigisassatut siunnersuummut atatillugu brancheforeningip isumaanik assigiinngitsunik Hoteliutillit, Neriniartarfiutillit Takornariaqarnermilu suliaqartut Brancheudvalgiata sinnisaasa saqqummiussaqaarnissaat sassartitsinermi siunertaavoq.

9. november 2012. Imeruersaatit qiimmassaatitallit pillugit UKA 2012/35-imut inatsisissatut siunnersuut pillugu sassartitsineq. Imeruersaatit qiimmassaatinik akullit (energidrik) inunnut 18-it inorlugit ukiulinnut tuniniarnissaannik sassaallitiginissaannillu inerteqquteqarneq, kiisalu imeruersaatit qiimmassaatinik akullit allagartalersorneqartarneri ussassaarutigineqartarnerilu pillugit Inatsisartut inatsisaannut siunnersuut pillugu meeqqat atuarnersa nalaani imeruersaatinik qiimmassaatilinnik tuniniaasoqartannginnissaa pillugu nammineq piimassusertik naapertorlugu illuatungeriit – Kommuneqarfik Sermersuumi Peqqinnissamut Pinaveersaartitsinermullu Immikkoortortaarfik, CSR Greenland aamma Kalaallit Nunaanni Sulisitsisut Peqatigiiffiat siunnersuummut atatillugu sassartinneqarput.

Ataatsimiinnerit ingerlatallu allat:

19. januar 2012. Peqqissutsimut Naalakkersuisup aaqqissuussaani kræfti pillugu isumasioqatigiinnermut ataatsimiititaliaq peqataavoq.

20. januar 2012. Ulloq unnuarlu angerlarsimaffimmut Aaqamut Nuummiittumut paaqqinnittarfimmut takuniaaneq. Nuna tamakkerlugu inersimasunut tarnimikkut napparsimasunut Aaqa ulloq unnuarlu paaqqinnittarfiuvoq.

23. april 2012. Malitseqartitsilluni Aaqamut paasisassarsiorluni takuniaaneq. Ataatsimiititaliap nakkutigineqartumik sullivik – Alloriarfik Qingorpumilu immikkoortortaq takuniarpari.

24.-26. april 2012. Sarfarissoq 3 peqqinnissaq pillugu ataatsimeersuarneq nuummi ingerlanneqartumi ataatsimiititaliaq ataatsimik aallartitaqarpoq, nalunaarasuartaatitigut aqqutit iluaqutigalugit nakorsartitsinerup atuutislerinneqarnissaa e-Health aamma e-Care atorlugit nunatsinni aaqqiissutit ineriartortinneqarnissaat immikkut eqqartorneqarlutik.

8. maj 2012. Nunatsinni innuttaasut peqqissuunissaat pillugu ataatsimeersuarnermi ataatsimiititaliaq peqataavoq. Ataatsimeersuarneq Peqqissutsimut Naalakkersuisumit aaqqissuunneqarpoq.

21. maj 2012. Ulloq unnuarlu angerlarsimaffik IMP – Inuuneq Meeraq Pinngortiarlu Nuummiittoq ataatsimiititaliamit paasisassarsiorfigalugu takuniarneqarpoq.

20. juni 2012. Angajoqqaarsianut tunngasumik misissuineq ingerlanneqartoq Ilaqutariinnermut Peqqissutsimullu Ataatsimiititaliamut saqqummiunneqarpoq. Immikkut saqqummiussinermi Deloittepe aaqqissugaanut ataatsimiititaliaq qaaqquneqarpoq. Angajoqqaarsianut tunngasoq pillugu apersuiluni immersuinermik misissuinermik, apersuisuinermik arlaleriarlunilu takuniaasarnernik aallaaveqarpoq. Misissuinermi angajoqqaarsiat 80-t sinneqartut peqataapput, taakku saniatigut siusinnerusukkut meerarsiatut inissinneqarsimasut attavigineqarsimapput. Misissuineq Namminer-sorlutik Oqartussanit, kommuninit, angajoqqaarsiaasartunit meerarsiaasartunillu ataatsimut isigalugu pissarsiffiupput siunissamullu isigisumik isumassarsiffiullutik. Misissuineq Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfimmit imissutigineqarsimalluni. Pineqartup sukumiisumik misissorneqarnissaa ukiut ingerlanerini arlaleriarluni Ilaqutariinnermut Ataatsimiititaliap kaammattuutigisarsimavaa.

14. oktober 2012. UKA 2012/128 - Tarnimikkut nappaatilinnik nammineersinnaajunnaarsitsineq allatigullu pinngit-saaliissummik iliuuseqarneq pillugu Inatsisartut Inatsisissaattut siunnersuut pillugu inatsisissanik nalilersuilluni ataatsimiinnerneq. Peqqissutsimut Naalakkersuisoqarfimmi atorfillit inatsisissatut siunnersuut nalilersuiffigaat.

19. november 2012. Suliniutit ingerlatat ingerlatallu allat pillugit Meeqqat Illersuisuata suliniuteqarfissatut periusissat pillugit paasisutissinneqarnissaq siunertaralugu Meeqqat Illersuisuannut paasisassarsiorluni takuniaaneq.

23. november 2012. Peqqissartut angerlarsimaffiannut DIN (Dronning Ingrid's Hospital) paasisassarsiorluni takuniaaneq.

Aalisarnermut, Piniarnermut Nunalerinermullu Ataatsimiititaliaq

Ataatsimiititaliap aningaasartuutai kr.	2009	2010	2011	2012
kr.	40.948	145.132	107.549	116.296

Paasisassarsiorluni angalanerit ataatsimiinnerillu:

28. - 30. juni: Savaatillit Peqatigiit Suleqatigiissut Narsami ataatsimeersuarnerat. Savaatillit Peqatigiit Suleqatigiissut Narsami ataatsimeersuarneqarnissaannut siunnersortillu ulluannut Narsami ingerlanneqartussamut Ataatsimiititaliaq



Neqimut pulaarneq.

Galloway nersussuit pillugit misileraanerit.

Ataatsimiititaliaq aamma Savaatillit Peqatigiit Suleqatigiissut ataatsimeersuarneranni peqataavoq. Ataatsimiititaliaq sinnerlugu Ataatsimiititaliami siulittaasoq qujassuteqarpoq, Ataatsimiititaliallu peqataanerani siunertaasoq nassuiaatigalugu. Periarfissarlu iluatsillugu Neqi A/S aamma Narsaq Bryghus pulaarneqarput.

29. februar: MSC inuussutissanut nalunaaqutsiisarneq pillugu paasissutissiinissaq aamma nalunaaqutsersuisarnerup pitsaaqutai ajoqutaalu pillugit oqaloqatigiinnissaq siunertaralugu MSC-mit (Marine Stewardship Council) sinniisunik ilisimatitsinertalimmik ataatsimeeqateqarneq.

16. april: Ukiuni makkunani aalisarnermi pissutsit annertuumik allanngornerat, piffissamilu kingullermi aalisarneq pillugu inatsisip allannguutaasa akuerineqarnerat, qalerallinniarnermilu aqutseriaaseq nutaaq pillugu Naalakkersuisunut ilaasortamik Ane Hansenimik paasissutissiinertalimmik ataatsimeeqateqarneq.

3. maj: UPA 2012/76 – nunaqarfinni tunitsiviit nioqqutissiorfiillu uningasut Royal Greenland A/S-imit tuniniarneqararsinnaanerit – pillugu Naalakkersuisunut ilaasortamik Ane Hansenimik paasissutissiinertalimmik ataatsimeeqateqarneq.

14. maj: Suliniutinut siunissamut isigisunik pingaarutilinnillu aningaasanik tapiissuteqartarneq pillugu aamma aalisarneq pillugu inatsisip nutarterneqarnerani alloriarnerup aappaa pillugu KNAPK-mik paasissutissiinertalimmik ataatsimeeqateqarneq.

27. september: Inuussutissarsiornermut ataatsimiititaliaq aamma Naalakkersuisunut ilaasortaq Ane Hansen peqatigalugit Royal Greenland A/S-imit paasissutissiinertalimmik ataatsimeeqateqarneq. Suliffeqarfiup ingerlatsinera, periusissiaa aamma nunani tamalaani suliniutai pillugit Royal Greenland A/S-imit paasissutissiisoqarpoq.

23. november: Kujataani nujuitsunik tuttuuteqarneq pillugu Sanaartornermut Avatangiisinullu ataatsimiititaliaq peqatigalugu Naalakkersuisunut ilaasortamik Ane Hansenimik paasissutissiinertalimmik ataatsimeeqateqarneq.

26. november: Aalisarneq pillugu inatsisip nutarterneqarnerani alloriarnerup aappaa pillugu Naalakkersuisunut ilaasortamik Ane Hansenimik paasissutissiinertalimmik ataatsimeeqateqarneq.

Apersuinerit:

16. maj: Aalisarneq pillugu Inatsisartut inatsisaata allanngortinnissaanut siunnersuutip suliarineqarneranut atatillugu isumasioqatigiinneq. Siunnersuutikkut aalajangersagaq ilanngunneqarpoq, tassani inuit imaluunniit ingerlatseqatigiiffiit sinerissap qanittuani qalerallinniat pisassat tamarmiusut annertunerpaamik 5 %-iinik pigisaqarsinnaasut aalajangersarneqarpoq.

21. maj: Aalisarneq pillugu Inatsisartut inatsisaata allanngortinneqarnissaanik siunnersuutip suliarineqarneranut atatillugu isumasioqatigiinneq.

qaaqqutissimavoq. Savaatillit pillugit iml. nunalerinermik inuussutissarsiuat pillugu pissutsinik ilisimasaqarnissaq Ataatsimiititaliap peqataaneratigut siunertaavoq.

Siunnersortit ulluat Nunalerinermik Siunnersorteqarfimmit aqqissuunneqartoq Ataatsimiititaliap najuuffigaa. Silamut pissutsit, savaateqarfiit, savaaqqat savallu amerlassusii, toqorakkat aamma nammineq toqorakkat amerlassusii aamma savaaqqanik, savanillu aamma naatitanik tuniniaanikkut aamma takornariaqarnikkut tapiissutitigullu isertitat paasissutissiisutiginerput. Tamatum kingorna sammisat ataasiakkaat pillugit itisiliilluni nassuiaasoqarpoq. Kingornatigullu naatitsisarneq pillugu saqqummiussisoqarpoq, tamatumani pineqarlutik karrit nutaat aamma nerukkaatissanik naatitanik misileraanerit aamma Kalaallit Nunaanni nersutaatit nutaat

15. oktober: Aalisarnermik piniarnermillu inuussutissarsiutillit inuussutissarsiorterannik siuarsaaneq pillugu Inatsisartut inatsisissaattut siunnersuutip suliarineqarneranut atatillugu isumasioqatigiinneq.

Sassarfigineqarnerit:

12. november: Aalisarneq pillugu inatsisip nutarterneqarnerani alloriarnerup aappaanut atatillugu KNAPK-mik sassartitsineq.

Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq

Ataatsimiititaliaq aningaasartuutai kr.	2009	2010	2011	2012
kr.	154.075	104.317	3.259	243.461

Paasisassarsiorluni angalanerit ataatsimiinnerillu:

17. - 19. februar: KIK-p (Kalaallit Ilinniagaqartut Kattuffiata) ukiuni 30-nngortorsiorterannut atatillugu Qaqortumi ataatsimeersuarneranut ataatsimiititaliaq ataatsimnik sinniisuutitaqarpoq.

4. - 10. marts: Arctic Winter Gamesimi Yukon, Canadami ingerlanneqartumi ataatsimiititaliamit ilaasortat marluk peqataasussatut aalajangiunneqarpoq.

20. - 26. marts: Qaasuitsup kommuniani ataatsimiititaliaq susassaqaarfiisa iluini soorlu, atuarfiit ilinniartoqarfiillu, katersugaasiviit, peqatigiiffiit ataasiakkaat, eqqumiitsuliornermik suliaqartut, kommunimi qinikkat tikillugit paasisassarsiorfigalugit ataatsimeeqatigineqarnerat. Illoqarfiit tikitat tassaapput Qasigiannugit, Aasiaat, Ilulissallu.

18. april: Kommunini immikkoortortani pisortat, atuarfiillu pisortaasa Nuummi ataatsimiinnerat iluatsillugu ataatsimiititaliamik naapitsipput. Naapitsinnermi eqqartorneqartunut ilaapput, atuarfitsialaap pilersinneqarnerata kinguneranik misillittakkatut unammillernartutullu nalilerneqarlutik politikernut apuunneqartut nutaat.

7. maj: Inerisaavimmud paasisassarsiorluni pulaarneq. Inerisaavimmud pulaarnermi paaserusunneqarput, Inerisaaviup ataani suliarineqartut inerisaaviullu aqqissuusaaneranut atatillugu suut suliarineqartarnersut ataatsimiititaliamit ilaatigut kiisalu Inerisaaviup aqqissuusaanera paasisaqaarfigerusunneqarmata.

28. september: Ilaqutariinnermut Kultureqarnermut, Ilageeqarnermut, Naligiisitaanermullu Naalakkersuisup paasisstissiilluni ataatsimeeqatigineqarnera.

12. oktober: Ataatsimiititaliaq Ilimmarfimmud persuarsiornanngitsumik qaaqquusaanera suullu ilinniarneqartarnersut pillugit saqqummiussisoqarluni.



Qaasuitsup Kommunanut 20. - 26. marts paasisassarsiorluni angalaneq.

25. oktober: Meeqqanut suli atualersimangitsut perorsaannermi inerikkiartuutaasumik ulluunerani neqerooruteqartar-neq pillugu Inatsisartut inatsisissaatut siunnersuummut tunngatillugu, Inerisaaviup aaqqissugaanik kommuneqarfinni immikkoortortani pisortat perorsaannermilu siunnersortit inatsisissamut piareersaateqarnermi killiffimmik paasisstissiinerat.

Apersuinerit:

6. februar: Ineqarnermut Attaveqarnermut Angallanermullu Naalakkersuisumik apersuineq. Apersuinermut tunngaviuvoq sanaartornermi ilinniagaqartut suliffinnik misiliiffissaaleqinerannut tunngatillugu Naalakkersuisusut iliuusissanik pilersaaruteqarnermut, ataatsimiititaliamit paaserusunneqarmat.

27. februar: Aningaasaqarnermut Naalakkersuisumik aamma Ilinniartitaanermut, Ilisimatusarnermut, Nunallu avannarlernut suleqateqarnermut Naalakkersuisumik apersuineq. Naalakkersuisunik apersuineq aallaaveqarpoq ataatsimiititaliap paaserusummagu IMAK-p pisortanik isumaqatiginninniarnarata sooq unittooqqaneramik killiffiusoq.

27. april: Ilinniartitaanermut, Ilisimatusarnermut, Nunallu avannarlernut suleqateqarnermut Naalakkersuisumik aammalu Peqqissutsumut Naalakkersuisumik apersuineq. Apersuinermut aallaaviuvoq ataatsimiititaliamit paaserusunneqarmat Naalakkersuisut Peqqinnissaqarfiup iluani sulisoqarnermut aningaasaliissutaasut iluanni qanoq annertunerunersumik pitsaanersumillu sullissinermi ineriartuutitsinissamut pilersaaruteqarnermut.

3. maj: Ilinniartitaanermut, Ilisimatusarnermut, Nunallu avannarlernut suleqateqarnermut Naalakkersuisumik apersuineq. Apersuinermut tunngaviuvoq imm. 32-mut inatsisissatut siunnersuutip suliarinissaanut atatillugu ataatsimiititaliap suliarinninnermini qulakkeerusummagu, qallunaat nunaanni ilinniartut tamarmik inatsisissami sulinermik misilillutik sungiusarfeqarsinnaanerannut ammaanneqarnissaannut periarfissarsiuunneqarnermut.

14. november: Ilaqutariinnermut, Kultureqarnermut, Ilageeqarnermut, Naligiisitaanermullu Naalakkersuisumik apersuineq. Ilagiit Kalaallit palasissaaleqinerannut atatillugu Naalakkersuisut qanoq qaangiiniarnissamut pilersaaruteqarnermut apersuineq.

22. november: Ilinniartitaanermut, Ilisimatusarnermut, Nunallu avannarlernut suleqateqarnermut Naalakkersuisumik apersuineq. Paamiuni Imarsiornermik Ilinniartimmut tunngatillugu Naalakkersuisut allanik qanoq pilersaaruteqarnermut pillugu apeqquaqateqarneq.

Sassarfigineqarnerit:

6. februar: Kalaallit Atuakkiortut peqatigiiffiat sassartinneqarpoq. Sassartitsineq aallaaveqarpoq atuakkiortut atugarisaat pitsanngorsarneqassappata qanoq liortoqassaneramik ataatsimiititaliaq erseqqinnerusumik paasisaqarusummat.

2. maj: Villads Villadsenip Efterskoliani pisortaasut ataatsimiititaliamut sassarumanerat aallaavigalugu sassartitsineq.

30. maj: KIK-p siulersuisui allaffimmilu ingerlatsisuat sassartinneqarput.

Sassartitsinermut siunertaavoq ilinniartut atugaat aammalu Ilinniartitaanermut periusissiamut KIK-p isumaa paaserusunneqarmat.

18. oktober: Inerisaavik, KANUKOKA, IMAK

Meeqqat atuarfianut Inatsisartut inatsisissaannut tunngatillugu suliaqarnermut atatillugu sassartitsineq.

19. oktober: AVALAK, KIK, KISAQ

Kalaallit ilinniagaqartut DK-mi SU-qalernissaannut tunngatillugu ilinniartut isumaannik saqqummiivigineqarneq.

21. oktober: Avannaata Qimussersuata kattuffiani siulittaasup nammineq ataatsimiititaliamut sassarumanini aallaavigalugu ataatsimiititaliamut saqqummiussaqaqarnera.



Nunat Avannarliit Killiit Siunnersuisoqatigiiffiata Ilulissani 27.-30. marts aalajangersimasumik qulequtaqartitsilluni ataatsimeersuartitsineranit.

15 Nunat Avannarliit Killiit aamma Nunat Avannarliit Siunnersuisoqatigiiffianni ingerlatat

Nunat Avannarliit Killiit Siunnersuisoqatigiiffiat

Ilaasortat angalanernut atugaat	2009	2010	2011	2012
kr.	476.047	416.727	630.444	790.013

Nunat Avannarliit Killiit Siunnersuisoqatigiiffiat (NAKS) nunat avannarliit killiit pingasut Kalaallit Nunaata, Islandip Savalimmiullu akornanni inatsisartutigoortumik suleqatigiiffiuvoq, Kalaallit Nunaanni Inatsisartut, Islandimi Altingip Savalimmiunilu Lagtingip sinniisaannit aallartitaqarfiusoq. Aallartitat tamarmik arfinilinnik ilaasortaqrput. Nunat ataasiakkaat tamarmik aallartitaasa akornannit toqqakkamik ataatsimik ilaasortaqrartumik pingasunik ilaasortalimmik Siunnersuisoqatigiiffik siulittaasoqarfeqarpoq.

Nunat Avannarliit Killiit Siunnersuisoqatigiiffianni 2011-mi inatsisartutigoortumik sulineq	Siulittaasoqarfiup ataatsimiinneri	Aallartitat ataatsimiinneri	Siunnersuisoqatigiiffiup ataatsimiinneri
	3	3	2

22.-24 januar	Arctic Frontiers ataatsimeersuartitsinera, Tromsø - "Issittumi nukissiornermi isumalluutit iluaqtiginiarneqarnerat".
15. februar	Aallartitat Nuummi ataatsimiinnerat
27. marts	Siulittaasoqarfiup Ilulissani ataatsimiinnera
27.-30. marts	Ilulissani aalajangersimasumik qulequtaqartitsilluni ataatsimeersuartitsineq - "Nunat tamalaat akornanni nunat avannarliit killiit inissisimanerat, Issittoq immikkut pingaartillugu"
5. juni	The Standing Committee of Parliamentarians of the Arctic Region (Issittumi inatsisartunut ilaasortat akornanni ataavartumik ataatsimiititaliaq), Nuuk
7. juni	Aallartitat Nuummi ataatsimiinnerat
3.-6. september	Nunat Avannarliit Killiit Siunnersuisoqatigiiffiata ukiumoortumik ataatsimiinnera, Gjógv Tórshavnilu, Savalimmiut
4. september	Gjógv, Savalimmiuni siulittaasoqarfiup ataatsimiinnera
5. september	Høvikimi isumaqatigiisummut malinnaatitatut ataatsimiititaliap pingajussaaniq ataatsimiinneranut alaatsinaatsutut peqataaneq, Savalimmiut
29. oktober	Helsinkimi Nunat Avannarliit Siunnersuisoqatigiiffiata ataatsimiinnerata nalaani siulittaasoqarfiup ataatsimiinnera
30. okt.-1. nov.	Københavni Nunat Avannarliit Siunnersuisoqarigiiffiata ataatsimiinnerani siulittaasoqarfiup peqataanera

Nunat Avannarliit Killiit Siunnersuisoqatigiiffiat sinnerlugu Tromsømi Arctic Frontiers ataatsimeersuartitsineranut peqataaneq

Inatsisartut Siulittaasuut ulluni 22.-24. januar Tromsømi Universitetimi Arctic Frontiers ataatsimeersuartitsinerani peqataavoq. Ataatsimeersuarnermi sammeneqarpoq issittumi nukissiornermi isumalluutit iluaqutiginiarneqarnerat. Aaqqissuussineq Arctic Frontiersimik qulequtserlugit ataatsimeersuarnerit arfinilissaraat. Siulittaasoq ataatsimeersuarnermut peqataavoq Nunat Avannarliit Killiit Siunnersuisoqatigiiffiata siulittaasoqarfia sinnerlugu NAKS-illu siulittaasoqarfiata ataatsimiinnissaanut Københavnimi ingerlanneqartussamut atatillugu.

Ataatsimeersuarneq peqataaffigineqartoq qulequttanut marllunnt avinneqarsimavoq, tassa nukissiornermi isumalluutit iluaqutiginiarneqarnerisa naalackersuinermit tunngasortaanut, taamatullu aamma sammeneqartumi ilisimatussutsikkut ilisimatusarnermut tunngasortaanut. Inatsisartut Siulittaasuut ataatsimeersuarnerup naalackersuinermit tunngasortaanut peqataavoq. Ataatsimeersuarnermut peqataasut tassaapput issittumit tamarmit suliniaqatigiiffiit naalackersuisutiguunngitsut, atorfillit, ingeniørit, ilisimatusartut naalackersuinermillu suliallit. Issittumi nukissiornermi isumalluutit iluaqutiginiarneqarnerannut tunngasinnaasut tamarmik ataatsimeersuarnermi tikinneqarput. Inatsisartut Siulittaasuata ataatsimeersuartarnermut taakkununga Tromsømi ingerlanneqartartunut, siunissarlu eqqarsaatigalugu pingaaruteqaleriartuinnartussanut issittumilu ilisimatusarneq eqqarsaatigalugu qitiulersussanut, nunatsinni naalackersuinermik suliallit kiisalu inuussutissarsiorlut suliffeqarfiillu susassaartut siunissami pingaartitsinissaat sinniisuutitaqartarnissaallu kaammattuutigaa.

Nunat Avannarliit Killiit Siunnersuisoqatigiiffiata aalajangersimasumik qulequtaqarluni Ilulissani ataatsimeersuartitsinera

Nunat Avannarliit Killiit aalajangersimasumik qulequtaqartitsilluni ataatsimeersuartitsinera Ilulissani ulluni 27. - 30. marts ingerlanneqarpoq Kalaallit Nunaat qaaqqusisoralugu qulequtaqarulugu: Nunat tamalaat akornanni nunat avannarliit killiit inissisimanagerat, Issittoq immikkut pingaartillugu. Qulequtarititassaq Nunat Avannarliit Killiit 2011-mi ukiumoortumik ataatsimiinnerani aalajangersarneqarpoq.

Innuttat issittumi najugaqartut sinniisaattut nunat avannarliit killiit inatsisartuusa ataatsimoorullugu kissaatigaat issittup annertuumik sammeneqarnerani saqqummersut eqikkaaviginissaat, taamaaliornikkut ataatsimoorluni suussuserniarneqarlutik issittumi nunat tamalaat politikikkut anguniagaqarneranni aammalu issittumi pisuussutinik taamatullu nunatat ilaannik nunat tamalaat pissarsiniarlutik sorsuutiginninneranni nunat avannarliit killiit ataatsimoorullugit soqutigisaat.

Innuttaasut, avatangiisit pinngortitarlu, silap pissusia, nungusaataangitsumik inuussutissarsiutitigit ineriartortitsineq kiisalu ilinniartitaaneq piginnaasanillu ineriartortitsineq pillugit taagorneqarnerisut tulleriinnilerlugit ilisimatusarnerit ataatsimoorullugit soqutigineqarsorinarput. Qulequttallumi taakku taagorneqarnerisut tulleriinnerlugit sammeneqarnissaat tunngavissaqarluarsorinarpoq, tassami silap allanngoriartornerata kingunerisa aningaasatigit periarfissanik nutaanik nassataqarlutillu aningaasaqarnikkut aqutseriaatsit piusut unammillerneqarnerannik nassataqartut innuttaasunut kinguneqaatai ilisimatusarfigineqartariaqarmata.

Tamatuma saniatigit issittumi allannguutit illersornissakkut kinguneqaataat aamma ilisimatusarfigineqartariaqarput. Taamaattumik ataatsimoorullugit ilisimatusarinnikkut suliniutit ingerlaavartut nunat avannarliit killiit pingaarnertut soqutigisariaqaraat isumaqarnarpoq, taamaaliornikkut issittoq pillugu soqutiginninneq annertoqisoq siunnersimaneqarsinnaaqullugu.

NAKS-ip 2011-mit kaammattuutitut aalajangersagaasa UPA2012-imi suliarineqarnerat

2012-imi upernaakkut ataatsimiinnermi NAKS-imut aallartitat Inatsisartunut kaammattuutitut aalajangersakkanik

nutaanik arfinillinik saqqummiussa qarput. Taakku tamarmik UPA2012-imi naammassillugit suliarineqarput taamatullu isikkoqartillugit akuersissutigineqarlutik. Kaammattuutitut aalajangersakkani arfinilinni pineqarput:

- ukiuni qulilinni kingullerni avatangiisitigut silallu pissusiisigut allannguutit malitsigisaasa nunarsuup immikkoortunanut maanga nunallu tamalaat akornanni suleqatigiinnermut sunniutigisimasaat eqqarsaatigalugit nunani pineqartuni pingasuni ataatsimut soqutigisat nalunaarsorneqarnissaannut iliuuseqaqqullugit,
- filmilorneq tv-kkullu aallakaatitassiorneq eqqarsaatigalugu nunat avannarliit killiit suleqatigiinnerata annertusarneqarnissaannut periarfissat misissoqqullugit,
- ukiumoortumik nunanit avannarlernit killernit marlunnit allanit eqqumiitsuliortup atuakkiortulluunniit sapaatit akunnerini pingasuni arfinilinni unnuiffissaqartillugu nunami sanilerisamiikkallarsinnaaneraniq neqerooruteqartalernissaq siunertaralugu suleqatigiissinnaanermut periarfissat misissoqqullugit. Siunertarineqassaaq ukiut tamaasa eqqumiitsuliortumik atuakkiortumilluunniit nunani avannarlerni killerni nunami allamiinnissamut periarfissiisoqartalernissaa, nunami sanilerisami pingortitamit kulturimillu sunnerneqarnissaq siunertaralugu,
- Kalaallit Nunaanni, Islandimi Savalimmiunilu oqartussat susassaqtut suleqatigalugit eqqakkat atoqqinneqarsinnaasut qanoq pineqartarnerat eqqarsaatigalugu nunat pineqartut ataatsimut soqutigisaat nalunaarsooqqullugit, taamatullu aamma nunani pineqartuni eqqakkat atoqqinneqarsinnaasut qanoq pineqartarnerat pillugu nunat avannarliit killiit siunnersuisoqatigiiffiannut killiffimmik nalunaarusioqqullugit,
- Islandip, Kalaallit Nunaata Savalimmiullu akornanni angalanerni aqqusaarnernilu nunani avannarlerni killerni innuttaasut nammineq nerisassaminnik nassarsinnaanermut periarfissaqarnissaat anguniaqqullugu,
- Nunani avannarlerni nipilersornikkut erinarsornikkullu ileqqutoqqat qulaajarniarlugit nunanullu avannarlernut killernut iluaqutaasumik taakkua iluanni ilinniagaqarnissamut periarfissat pillugit ataatsimiititsinissaq.



Nunat Avannarliit Killiit Siunnersuisoqatigiiffiannut aallartit Tórshavnimi inatsisartut Lagtingip silataanni.

Nunat Avannarliit Killiit Siunnersuisoqatigiiffiata Savalimmiuni Gjøgvimi Tórshavnilu ataatsimiinnerat

Nunat Avannarliit Killiit Siunnersuisoqatigiiffiata aallartit tassaasut siulittaasoq Josef Motzfeldt ilaasortallu allat Ruth Heilmann, Olga P. Berthelsen, Aleqa Hammond, Astrid Fleischer, Sivert K Heilmann-ilu ulluni 3.-7. sept 2012 Nunat Avannarliit Killiit Siunnersuisoqatigiiffiata 28-issaanik ukiumoortumik ataatsimiinnerani Savalimmiuni Gjøgvimi Tórshavnimilu ingerlanneqartumi peqataapput.

2012-imi kaammattuutitut aalajangersakkat nutaat

Siunnersuisoqatigiit kaammattuutitut aalajangersakkanik nutaanik marlunnik nunani avannarlerni killerni inatsisartunut saqqummiunneqartussanik akuersissuteqarput, siunnersuisoqatigiiffiup oqaluttuarisaanera eqqarsaatigalugu aatsaat taamak ikitsigisunik. Tamanna pivoq ukiut ingerlanerini ukiumoortumik ataatsimiinnerni kaammattuutitut aalajangersagarpasuit naalakkersuisunillu timitalerneqartussatut inatsisartunut saqqummiunneqartartut eqqarsaatigalugit misilittagarineqarmat piffissarujussuaq ilaatigut ukiut arlallit atorneqartariaqartartut kaammattuutitut aalajangersakkat naammassineqarsimangitsut malitseqartinneqarnerinut. Taamaattumik Siunnersuisoqatigiiffimmi isumaqatigiissutigineqarpoq siunissami sapinngisamik ukiumoortumik ataatsimiinnerni kaammattuutitut aalajangersagassanik amerlanerpaamik pingasunik saqqummiussisoqartalissasoq, qularnaarniarlugu kaammattuutitut aalaja-



Nunat Avannarliit Killiit Siunnersuisoqatigiiffiannut nunat pingasut aallartitaata siulittaasui Josef Motzfeldt, Ólína Þorvarðardóttir aamma Henrik Old.

ngersakkat akuersissutigineqartut aamma nunani ilaasortaasuni pingasuni naalakkersuisunit aamma pisariaqartumik suliarineqarlutillu malitseqartinneqartassatut.

Kaammattuutitut aalajangersakkani nutaani marlunni nunani pingasuni naalakkersuisut atuakkiortunut atuakkiortun-
ngorniartunullu allannermik pikkorissartitsinernik neqerooruteqartalernissamik kaammattoorneqarput kiisalu naalak-
kersuisut aamma kaammattorneqarlutik ataatsimut issittoq eqqarsaatigalugu ilioriusissioqqullugit.

Nunat Avannarliit Killiit Siunnersuisoqatigiiffiannut siulittaasumik nutaamik qinersineq

Ukiumoortumjk ataatsimiinneq ileqqusoq malillugu naggaserneqarpoq ukiup affaani tullerni aggersuni marlunni 2012/2013 siunnersuisoqatigiiffiup ingerlatsinissaanut siulittaasumik nutaamik qinersinermik. Josef Motzfeldt Siun-
nersuisoqatigiiffiup siulittaasussaatusut nutaatut qinerneqarpoq Henrik Old Savalimmiuneersoq taarserlugu. Tamanna
aamma isumaqarpoq aappaagu nunat avannarliit killiit siunnersuisoqatigiiffiata 29-issaanik ukiumoortumik ataatsi-
miinnissaanut nunarput qaaqqusisuusaaq. Ukiumoortumik ataatsimiinneq piffissami 2. - 6. september 2013 nunat-
sinni ingerlanneqassaaq.

Josef Motzfeldt siunnersuisoqatigiinnut siulittaasutut nutaatut oqaaseqarnermini oqaatigaa siunnersuisoqatigiiffiup
ataatsimiittarnerisa suli nutarternerunissaat sulissutiginiarlugu, siunissami ataatsimiinnerit eqeersimaarnerusumik
naammassisaqarfiunerusumillu ingerlanneqarsinnaalerniassammata. Nunat avannarliit killiit siunnersuisoqatigiiffiat
28-eriarluni ukiumoortumik ataatsimeereerpoq piffissanngorsorinarlunilu siunnersuisoqatigiiffiup ataatsimiinnerisa
ingerlanneqartarnerisa pisariaqalersimasumik nutarterneqarnissaat.

Siunnersuisoqatigiiffiup taamatuttaa 2013-imi Islandimi tullianik aalajangersimasumik qulequtaqartitsilluni ataatsi-
simeersuurtitsinissami qulequtassaq akuersissutigaa. "Nunani avannarlerni killerni peqqinnissaqarfiit qaangerniagas-
saat periarfissaallu" ataatsimeersuarnermi qulequtarineqassaaq.

Nunat Avannarliit Siunnersuisoqatigiiffiat

Medlemmernes rejseforbrug	2009	2010	2011	2012
kr.	255.634	296.616	524.663	408.739

Nunat Avannarliit Siunnersuisoqatigiiffiat inatsisartutigoortumik suleqatigiiffiuvoq Norgemit, Danmarkimit, Sverigemit, Finlandimit, Islandimit nunanillu namminersorfiusunit Ålandimit, Savalimmiunit Kalaallit Nunaanniillu inatsisartunut ilaasortanik 87-inik ilaasortalik. Inatsisartut marlunnik ilaasortaataqarput marlunnillu sinniisussalinnik

2012-imi inatsisartut ilaasortaataat/sinniisussat Kultureqanermut Ilinniartitaanermullu Ataatsimiititaliami taama-tullu aamma Avatangiisinut Pingortitamilu Pisuussutinut Ataatsimiititaliami ilaasortaataqarput.

Nunani Avannarlerni nunat namminersorfiusut oqallittarfiat

Ukioq 2012 Nunat Avannarliit Siunnersuisoqatigiiffianni nunanut namminersorfiusunut – Kalaallit Nunaat, Savalimmiut Ålandilu – immikkoortutigaa suleqatigiinnissamat isumaqatigiissuteqartoqarmat. Ålandip Landskabsregeringianit, Naalakkersuisunit kiisalu Savalimmiut Landstyrianit aallartitat ulloq 29. oktober Nunat avannarliit siunnersuisoqatigiiffianni Ålandimit, Kalaallit Nunaannit aamma Savalimmiunit aallartitat Nunat Avannarliit Siunnersuisoqatigiiffiata iluani qaninnerusumik suleqatigiinnissamik isumaqatigiissut atsioqatigiissutigivaat.

Naalakkersuisoqarnikkut suliaqartunut Nunanillu namminersorfiusunit, Nunat Avannarliit Siunnersuisoqatigiiffianut ilaasortaasunut, soorlu Inatsisartunit ilaasortaatanut, Nunat Avannarliit Siunnersuisoqatigiiffianni katersuunnerit tamaasa aallartitat akunnerminni aalajangersimasumik ataatsimiittarnerannik kiisalu aallartitat pineqartut Nunat Avannarliit Siunnersuisoqatigiiffianni ataatsimiinnissat pilersaarutigineqartut sioqqulugit naapittarnerannik suleqatigiinnissamik isumaqatigiissut nassataqarpoq.

Nunat Avannarliit Siunnersuisoqatigiiffianni ataatsimiititaliat ataatsimiinnerinut partiillu naalakkersuinikkut suliaqarnermi ataatsimiinnerinut peqataanerit

Parlamentarisk arbejde i Nordisk Råd i 2012	Udvalgsmøder	Delegationsmøder	Konferencer o.l.
	3	0	4

Oslo, Norgemi ulluni 24.-25. januar ataatsimiinnerit.

Göteborg, Sverigemi ulluni 26.- 27. september ataatsimiinnerit.

Helsingfors, Finlandimi ulluni 29. oktober – 1. november Nunat Avannarliit Siunnersuisoqatigiiffianni 64-issaannik katersuunneq.

Aaqqissuussat allat immikkut saqqumilaartitat

22.- 24. januar: Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamit aallartitatut Nunat Avannarliit Siunnersuisoqatigiiffianni ilaasortaasoq Andreas Uldum ataatsimeersuarnermut PISA-mut (Stockholmimi), 2009-mi PISA-mik taallugu 15-inik ukiullit atuakkaminnik paasinissinnaassusiannik misissuinerup inerneru qulequtaralugit ataatsimeersuarnermut peqataavoq.

8. februar: Ilinniartitaanerup iluani ineriartorneq qulequtaralugu nunat avannarliit isumasioqatigiinnerat Nuummi ingerlanneqarpoq.

29. februar - 1. marts: Avatangiisinut Pingortitamilu Pisuussutinut Ataatsimiititaliamit aallartitatut Nunat Avannarliit Siunnersuisoqatigiiffianni ilaasortaasoq Kim Kielsen apeqqutit aalisarnermut, nunalerinerumut, nukissiuuteqarnermut kiisalu silap pissusaanut tunngassuteqartut sammillugit ataatsimiinnernut assigiingitsunut peqataavoq.

31. maj - 1. juni: Avatangiisinut Pingortitamilu Pisuussutinut Ataatsimiititaliamit aallartitatut Nunat Avannarliit Siunnersuisoqatigiiffianni ilaasortaasoq Kim Kielsen suliffeqarfissuarmut Tuluut Nunaata avannaata kippasissuaniittumut Sellafieldimut paasisassarsiorluni nalunaarusiuteqariartorlunilu alakkarterinerumut peqataavoq. Sellafield suliffissuaqarfiuvoq Tuluut Nunaanni nunanilu allani atomimik nukissiorfiit ikummatikuinik pinngoqqaataannut immikkoortiterinermik suliaqarfiusoq. Sellafield ukiuni arlalissuarni Nunat Avannarliit Siunnersuisoqatigiiffiannit annertuumik eqiingaffigineqarsimavoq, Pisortanik Sellafieldillu suliffissuaqarfianik piginnittuusut aallartitaannik piffissap ingerlanerani ingerlaavartumik oqaloqatigiiffiusunik Nunat Avannarliit Siunnersuisoqatigiiffiat ataatsimeeqateqartarpoq. Nunat Avannarliit Siunnersuisoqatigiiffiata aarlerissuteqarnera Sellafieldimi suliffissuaqarfiup atlantikut avannarpassisuanik raatiup qinngualaneranik mingutsitsineranut sammivoq. Oqaloqatigiiffiusumik paasisutissiivigeqatigiillunilu ataatsimiittarnerit siunissami ingerlaavartussatut takorloorneqarput.



Nunat Avannarliit Siunnersuisoqatigiiffiata Finlandimi Helsingforsimi 64-issaanik ataatsimiinnera.

18. juni. Kultureqarnermut Ilinniartitaanermullu Ataatsimiititaliamit aallartitatut Nunat Avannarliit Siunnersuisoqatigiiffiannut ilaasortaasoq Andreas Uldum 2013-imit 2020-imit Nunani avannarlerni kulturikkut suleqatigiinnermi periusissat pillugit Københavnimi ataatsimeersuarnermut peqataavoq.

25.-29. juni: Nunat Avannarliit Siunnersuisoqatigiiffiata Inuusutissat pillugit Ataatsimiititaliaata ataatsimiititaliap Kalaallit Nunaannut angalanissaa 2012-umi aasaanerani pisussatut inississimavaa. Ilulissani Nuummilu paasisutissii-vigeqatigiiffiusumik ataatsimiinnerit alakkarterinerillu ataatsimiititaliamit ingerlanneqarsimapput. Kalaallit Nunaanni inuusutissarsiuutinik ingerlatsineq ineriartortitsinerlu paasisassarsiorluni angalanermi qulequtaapput. Paasisassarsiorluni angalanerup piareersarneqarneranut ingerlanneqarneranullu Allattoqarfik ikiuppoq.

Inatsisartuni Nunat Avannarliit pillugit oqallinnerit

20. april: Nunat Avannarliit Siunnersuisoqatigiiffiata Præsidentiaata kaammattuuteqarneratigut nunat avannarliit akornanni killeqarfinni killilersuutit qulequtaralugit nunat ataasiakkaat Inatsisartuini oqallinnerit ataatsikkut ingerlanneqarput. Nunat avannarliit akornanni killeqarfiit killilersuinerisa atorunnaarsinneqarnissaanik suliaqarnerup killiffia pillugu nunat ataasiakkaat Naalakkersuisuisa nassuiaateqaataat aallaavigalugit nunani ataasiakkaani Inatsisartut oqallisiginnipput.

Taamaalillunilu oqallisiginninneq norskit Stortingianni, svenskit Rigsdagianni, finnit Riksdagianni (Eduskunta), Ålandip Lagtingianni, Islandip inatsisiliortuini Alþingimi, savalimmiut Lagtingianni, danskit Folketingianni kiisalu nunatta Inatsisartuini ataatsikkut ingerlanneqarpoq. Tassalu siullerpaajusumik nunani avannarlerni Inatsisartut tamarmiusut ataatsikkut ingerlanneqartumik suliamik immikkut ittumik oqallisiginnipput.

Nunat avannarliit akornanni killeqarfinni killilersuutit qulaajarniarlugit aaqqiissutaasinnaasunillu nassaarniarluni "Killeqarfinni killilersuutit pillugit oqallittarfik" nunani avannarlerni Statsministerit 2007-imi pilersikkaat, qulequtamut killeqarfinni killilersuutinut tapiutitut ilanngunneqarsinnaavoq. "Killeqarfinni killilersuutit pillugit oqallittarfiup" Nunallu Avannarliit Siunnersuisoqatigiiffiata ingammik nunani avannarlerni innuttaasunut suliffeqarfinnullu killeqarfinni killilersuutit pinaveersimatinnissaat anguniarlugu inatsisiliornikkut piareersaateqarnissaannik nunani avannarlerni inatsisiliortut Naalakkersuisullu kaammattorpaat.

25. oktober: Nunat avannarliit akornanni periusissat Nassuiaateqaallu 2012/ Naalakkersuisut sinnerlugit Ilinniartitaanermut, Ilisimatusarnermut Nunanullu Avannarlernut suleqateqarnermut Naalakkersuisumit saqqummiunneqartoq suliarineqarpoq.



16 Allattoqarfik

Inatsisartut Allattoqarfiat inatsisartut allattoqarfigaat Inatsisartut sulinerisa pitsaanerpaamik ingerlanneqarnissaanut peqataasussa. Tassunga ilaapput Siulittaasoqarfiup sullinneqarnera, Inatsisartut katersuunnerisa piareersarnerqarnerat aqqissuussaankullu ingerlanneqarnerat, inatsisitigut misissuisarnermik, ataatsimiititalianik sullissineq ulluinnarnilu allaffissornikkut ingerlatsineq.

Tamatuma saniatigut naqitanngorlugit saqqummersitat, Inatsisartuni takuniaatitsinerit aammalu suliniutit annertunerit pilersaaruisiorlugillu ingerlannerat allattoqarfiup ilaatigut isumagisarai.

Inatsisitigut aalajangersakkat iluanni killissarititaasut Siulittaasoqarfiullu maleruagassiai naapertorlugit Allattoqarfiup makku ingerlaavartumik sulissutigisassara:

Inatsisartuni sulinermut atugassarititaasunik makku aqqutigalugit pitsanngorsaaneq


- Siulittaasoqarfimmut, ataatsimiititalianut Inatsisartunullu ilaasortanut qaffasissumik pitsaassusilimmik siunnersuineq, ikorfartuineq, oqaluttaaneq nutserissussinerlu.
- Inatsisartut Naalakkersuisullu akornanni suleqatigiinnermik siuarsaaneq.
- Ataatsimiititaliat aqqissuussaankullu suleriaatsimikkullu naapertuunnerpaamik ingerlatsivigineqarnissaat anguniarlugu suleqataaneq.
- Allattoqarfiup suliassaqaarfiisa iluanni pitsaassutsinik inerisaajuarnissaq qulakkeerniarlugu sulianut tunngasunik ilisimasamik katersineq kiisalu sulisutigut aningaasatigullu atugassarititaasunik pitsaanerpaamik atuineq.

Inatsisartunik isiginninnermik makku aqqutigalugit qaffassaaneq

- Inatsisit pitsaassusiannik pitsanngorsaansamik pingaartitsiarnikkut.
- Avatangiiserisanut pilertortumik paasiuminartumillu attaveqartarnikkut.
- Inatsisartut sulinerat angusaallu pillugit paasissutissanik ingerlatitseqqiisarnerup annertusarneqarneratigut pitsanngorsarneratigullu.

Aqqissuussaaneq

Allattoqarfimmut pisortatut aqutsineq Inatsisartut allattaanerata akisussaaffigaa. Inatsisartut Siulittaasoqarfianik sullissinermini Inatsisartut allattaanerat Siulittaasoqarfiup allattoqarfianit ikiorserneqartarpoq. Paasissutissii-sarnermut suliniutinillu ingerlatsisarnermut immikkoortorta q kiisalu ataatsimiititalianut allatseqarfik Inatsisartut allattaanerannut toqqaannartumik akisussaassuseqarput. Nutserinermut, sullissinermut aamma aningaasaqarnermut immikkoortortat allaffimmut pisortanit Inatsisartut allattaanerannut akisussaassuseqartunit siulersorneqarput




Sulisorisat

2012-p naanerani allattoqarfik aalajangersimasumik atorfilinnik 28-nik sulisoqarpoq. Aaqqissuussaaneq naapertorlugu taakku ukununga agguarsimapput:

Sulisorisat:	
Inatsisartut Allattaanerat:	1
Siulittaasoqarfiup Allattoqarfia:	3
Paasisutissiinermut suliniutinullu immikkoortaq:	2
Nutserisoqarfik:	6
Ataatsimiititaliat allattoqarfia:	9
Aningaasaqarnermut immikkoortaq:	3
Sullissinermut immikkoortaq:	4
Katillugit:	28

Taakku saniatigut akunnermusialinnik sulisoqarpoq.

Pisortani suliffeqarfiit pissanganarnerpaat ineriartorfigineqarsinnaanerpaallu ilaattut inissisimanissaminik anguniagaqarnermigut Allattoqarfiup sulisut suliffeqarfimmi tassani sivisuumik suliffeqartarnerat iluatsissimavaa.







Aggorsimasut.

17 Aningaasaqarneq

Aningaasanik atuneq Inatsisartunut Inatsisartullu Allattoqarfiannut avinneqarsimavoq. Kisitsisitigut takussutissiat quppernerna tullerna takukkit.

Inatsisartuni atuineq

Missingersuutini pineqartut	Nas- suaat	2008-mi katillugit (kr.)	2009-mi katillugit (kr.)	2010-mi katillugit (kr.)	2011-mi katillugit (kr.)	2012-mi katillugit (kr.)
Akissarsiat, aningaasarsiat il.il. katillugit		22.451.890	25.865.037	20.795.265	19.892.810	20.789.243
- taakkunanga:						
Inatsisartunut ilaasortat aningaasarsiaat	1	17.706.556	20.886.881	19.262.334	18.730.318	19.357.217
Sinniisut il.il. aningaasarsiaat	2	2.850.900	3.232.192	106.688	172.701	-
Allat	3	1.013.609	1.012.153	902.455	989.791	1.075.721
Nal. akunnermusiallit akissarsiaat	4	880.825	733.811	523.788	-	356.305
Illassinnissutit tunissutillu, katillugit		334.291	441.558	240.254	410.204	249.550
- taakkunanga:						
Inatsisartut Siulittaasuat	5	60.098	27.540	15.780	218.146	49.078
Nersornaasinerit	6	72.789	32.124	24.769	15.231	11.725
Illassinnissutit tunissutillu allat	7	201.404	381.894	199.705	176.827	188.747
Sullissinerit katillugit		11.949.643	9.708.648	8.519.786	7.305.415	7.806.599
- taakkunanga:						
Inatsisartunut ilaasortat angalaneri	8	4.260.168	2.846.061	3.375.210	2.467.488	2.560.165
Pikkorissarnernut aningaasartuutit	9	132.445	175.766	36.350	117.400	22.435
Siunnersortinit avataaneersunit sullinneqarneq	10	3.599.107	3.082.441	1.149.452	1.040.567	1.246.146
Angalanernut aningaasartuutit assigiinngitsut	11	3.877.300	3.464.504	3.945.503	3.642.253	3.971.953
Allat	12	80.623	139.876	13.271	37.707	5.900
Pisinerit allaffissornermullu aningaasartuutit katillugit		1.537.644	1.172.721	830.583	1.025.808	1.021.640
- taakkunanga:						
Pisinerit allat	13	1.073.833	678.211	370.994	490.895	557.217
Allaffissornermut aningaasartuutit allat	14	174.689	168.937	401.977	370.336	218.893
Attaveqaateqarnermut aningaasartuutit	15	106.837	147.543	22.288	80.202	175.443
Sullissinissamik isumaqatigiissutit	16	132.780	125.307	-	5.995	64.200
Iluarsaaneq aserfallatsaaliinerlu	17	49.505	52.723	35.324	78.380	5.887
Attartorneq illullu iluani aserfallatsaaliineq katillugit		595.360	599.440	713.470	558.425	1.095.634
- taakkunanga:						
Sulinermit atatillugu inigisat	18	372.143	531.865	475.598	457.840	529.321
Iluarsaaneq aserfallatsaaliinerlu	19	92.333	32.540	194.771	-1.086	305.363
Allat	20	130.884	35.035	43.101	101.671	260.950
Pissarsiat katillugit		818.034	2.448.558	2.837.152	1.679.775	1.220.947
- taakkunanga:						
IT-mut aningaasartuutit	21	165.016	307.963	1.410.287	510.984	405.673
Pequtit	22	653.018	2.140.595	1.426.865	1.168.791	815.274
Kontot allat		-265.482	-333.148	-291.853	-344.739	-388.582
- taakkunanga:						
Ingerlatsinermit isertitat	23	-265.482	-333.148	-291.853	-344.739	-388.582
Aningaasanut inatsimmi konto pingaarneq 01.10.10. naapertorlugu Inatsisartuni atuineq katillugu		37.087.089	39.902.814	33.644.657	30.527.698	31.795.031

Nassuiaatit:

1. Inatsit atuuttoq malillugu Inatsisartunut ilaasortat aningaasarsiaat (siumoortut).
2. Inatsisit atuuttoq malillugu sinniisut il.il. aningaasarsiaat. 2010 aallarnerfigalugu sinniisut aningaasarsiaat nassuiaat 1 naapertorlugu Inatsisartunut ilaasortanut allanut aningaasarsianut kontomit akilerneqartalerput.
3. Tapeeqataassutit assigiinngitsut, sulingiffeqarnermi aningaasarsiat, immikkut aningaasarsiat soraarnerussutisiassanullu tapeeqataassutit.
4. Isumaqatigiissutit atuuttut malillugit nal. akunnermusiallit akissarsiaat kiisalu freelancerit akissarsiaat.
5. Siulittaasup ilassinnissutai tunissutaalu.
6. Nersornaasiinermut atatillugu ilassinninnernut aningaasarsartuutit.
7. Siulittaasoqarfiup inatsisartunulluunniit ilaasortat ilassinnissutaat tunissutaallu.
8. Inatsisartunut ilaasortat angallanneqarnerannut aningaasartuutit, angallat sunaagaluarpalluunniit.
9. Inatsisartunut ilaasortat pikkorissarneri ilinniaqqinnerilu allat.
10. Sullississutit siunnersortinillu sullinneqarnerit allat. 2010-mi ukiakkut ataatsimiinnermit aningaasartuutit taakku atorunnaarput, tassa naqqqaakkat maanna DVD atorlugu nipitalerlugit saqqummersinneqartalermeta.
11. Inatsisartunut ilaasortat ullormusiaqartinneqarnerannut, najugaqartinneqarnerannut, nerisaqartinneqarnerannut, sullississutinullu allanut aningaasartuutit.
12. Pequttat nuunneqarnerat poortuineq puiaanerlu ilanngullugit, pequttat angallanneqarnerat, pequttat angallanneqarnerannut toqqortarineqarnerannullu sillimmasiinerit.
13. Inatsisartunut ilaasortanut imeruersaatit, nerisaqartitsinerit ataatsimiinnermullu aningaasartuutit.
14. Allaffimmi atortut, naqitikkat, papiaqqat, kr. 3.000-it ataallugit pisiat kiisalu ussassaarinerit.
15. Telefonimut aningaasartuutit telefaximullu atukkat.
16. Kopimaskinanut atatillugu sullissinissamut isumaqatigiissutit.
17. Pequtiniq iluarsaaneq.
18. Inatsisartunut ilaasortat sulinerimut atatillugu najugaat.
19. Iluarsaanerimut aningaasartuutit kiisalu illuutit atortuutillu iluannik silataannillu aserfallatsaaliineq.
20. Ingerlatsinerimut aammal niiliniq, angallatinik, snescooterinut il.il. attartornerimut aningaasartuutit.
21. Printerit, PC-t, RAM, kabilit, IT-programmit kiisalu IT-mik sullississutinut isumaqatigiissutit.
22. Pequttat atortullu kr. 3.000-it sinnerlugit akillit.
23. Isertitat assigiinngitsut, assersuutigalugu attartortitsinerimut isertitat.

Inatsisartut Allattoqarfianni atuineq

Missingersuutini pineqartut	Nas- suaat	2008-mi katillugit (kr.)	2009-mi katillugit (kr.)	2010-mi katillugit (kr.)	2011-mi katillugit (kr.)	2012-mi katillugit (kr.)
Akissarsiat, aningaasarsiat il.il. katillugit		18.562.781	18.873.224	19.854.918	19.412.375	21.178.452
- taakkunanga:						
Atorfillit akissarsiaat	1	3.083.986	2.621.170	2.612.855	1.964.519	1.274.454
Qaammammusiallit akissarsiaat	2	12.296.752	12.853.755	13.910.583	14.198.813	13.919.445
Allat	3	2.317.852	2.670.634	2.390.616	2.109.540	4.983.647
Nal. akunnermusiallit akissarsiaat	4	864.191	727.665	940.864	1.139.503	1.000.906
Sullissinerit katillugit		2.724.271	2.858.665	2.939.361	3.695.720	2.440.300
- taakkunanga:						
Sulisorisat siunnersortillu angalaneri	5	807.624	739.960	1.187.786	1.065.830	877.805
Ilassininnerit tunissutillu	6	15.421	-	5.813	24.259	11.478
Pikkorissarnernut aningaasartuutit	7	132.765	168.135	106.910	170.351	271.013
Siunnersortinit avataaneersunit sullinneqarneq	8	777.790	792.775	624.492	507.243	554.754
Angalanernut aningaasartuutit assigiinngitsut	9	720.059	361.764	740.018	1.646.314	511.444
Allat	10	270.612	796.031	274.342	281.723	213.806
Pisinerit allaffissornermullu anigaasartuutit katillugit		1.302.255	1.138.571	1.033.090	767.255	866.639
- taakkunanga:						
Pisinerit allat	11	326.563	295.959	421.086	383.800	340.850
Allaffissornermut aningaasartuutit allat	12	342.508	270.917	273.668	234.938	281.189
Attaveqaateqarnermut aningaasartuutit	13	287.578	273.596	200.130	76.260	189.938
Sullissinissamik isumaqatigiissutit	14	279.535	272.077	109.287	43.490	54.662
Iluarsaaneq aserfallatsaaliinerlu	15	66.071	26.022	28.919	28.767	-
Attartorneq illullu iluani aserfallatsaaliineq katillugit		363.255	105.198	229.356	140.675	328.973
- taakkunanga:						
Sulinermut atatillugu inigisat	16	50.434	91.136	215.356	103.200	242.456
Iluarsaaneq aserfallatsaaliinerlu	17	148.730	-	-	25.475	55.517
Allat	18	164.091	14.062	14.000	12.000	31.000
Pissarsiat katillugit		548.810	954.070	342.429	919.569	1.574.432
- taakkunanga:						
IT-mut aningaasartuutit	19	290.550	731.591	126.217	520.808	1.041.723
Pequtit	20	258.260	222.479	216.212	398.761	532.709
Kontot allat		-234.228	-209.764	-104.269	-186.154	-241.029
- taakkunanga:						
Ingerlatsinermit isertitat	21	-234.228	-209.764	-104.269	-186.154	-241.029
Aningaasanut inatsimmi konto pingaarneq 01.01.01. naapertorlugu Inatsisartut Allattoqarfianni atuineq katillugu		23.267.144	23.719.954	24.294.885	24.749.440	26.147.767

Nassuiaatit:

1. Isumaqatigiissutit atuuttut naapertorlugit atorfillit akissarsiaat (siumoortut).
2. Isumaqatigiissutit atuuttut naapertorlugit qaammammusiiallit akissarsiaat (kingumoortut) kiisalu ilinniartut akissarsiaat.
3. Tapeeqataassutit assigiinngitsut, sulingiffeqarnermi aningaasarsiat, sulineruneq, immikkut aningaasarsiat, soraarnerussutisiassanut tapeeqataassutit, nalliuttorsiornermi tunissutit.
4. Isumaqatigiissutit atuuttut malillugit nal. akunnermusiiallit akissarsiaat kiisalu freelancerit akissarsiaat.
5. Nammineq sulisorisat siunnersortillu angallanneqarnerannut aningaasartuutit, angallat sunaagaluarpalluunniit.
6. Ilassininnernut tunissutinullu aningaasartuutit.
7. Sulisut pikkorissarneri ilinniaqqinnerilu allat.
8. Sullississutit siunnersortinillu sullinneqarnerit allat.
9. Sulisut ullormusiaqartinneqarnerannut, najugaqartinneqarnerannut, nerisaqartinneqarnerannut, sullississutinullu allanut aningaasartuutit.
10. Pequttat nuunneqarnerat poortuineq puiaanerlu ilanngullugit, pequtat angallanneqarnerat, pequttat angallanneqarnerannut toqqortarineqarnerannullu sillimmasiinerit.
11. Sulisunut imeruersaatit, nerisaqartitsinerit, ataatsimiinnermut aningaasartuutit, neriniartarfinni nerinerit kiisalu sulisut aallaarsimaneranni nerisaqartitsineq.
12. Allaffimmi atortut, naqitikkat, papiaqqat, kr. 3.000-it ataallugit pisiat kiisalu ussassaarinerit.
13. Telefonimut aningaasartuutit telefaximullu atukkat.
14. Assersuutigalugu kopimaskinanut atatillugu sullissinissamut isumaqatigiissutit.
15. Pequtinik iluarsaaneq.
16. Inatsisartut Allattoqarfianni sulisut sulinermut atatillugu najugaat.
17. Iluarsaanermut aningaasartuutit kiisalu illup iluannik silataannillu aserfallatsaaliineq.
18. Angallammik attartornermut aningaasartuutit.
19. Printerit, PC't, RAM, kabilit, IT-programmit kiisalu IT-mik sullississutinut isumaqatigiissutit.
20. Pequttat atortullu kr. 3.000-it sinnerlugit akillit.
21. Isertitat assigiinngitsut, assersuutigalugu attartortitsineri isertitat.

Sukumiinerusumik paasisaqarnissaq kissaatigineqarpat Nunatta Karsiata naatsorsuutai innersuusutigineqarput.

